

1671.

28^o, b, c = Simon, Thamer Georgius : Tra patinorum.
3 Sampt. 1671 : 1678.

29^o, b, c, d Simon, Th. Georg: De jurebus obstetricis
4 Sampt. 1671, 1678, 1740.

30. Stranchius, Thamer, Pallegii Juris*ci* decanus : ad lectio-
nem cursoriam Ephraimi Wagneri invitat.

31. Stranchius, Thamer: Pallegii juridici... Decanus :
ad lectio-nem cursoriam Fausti Vogleri invitat.

32. Stranchius, Thamer, Collegii juridici... Decanus :
ad Dissertationem in ang. Thamei Coroli Macrini invitat.

33. Stranchius, Thamer, Collegii Juris*ci*... Decanus :
ad Disputationem in ang. Thamei Schilleri invitat.

34. Stranchius, Thamer, Pallegii Juris*ci*... Decanus :
ad Disputationem in ang. Philippi Aertiani Beisi invitata.

35^o, 1^o Stranchius, Thamer: Dissertationem ad litteras prior,
quae est de retributiva actione.



1671

Y3

36. Stranchius, Johannes. Dissertationum acerbitatum post
2000, continua reliquias duas actiones, ac estimatoriam
... et in factum.

Y5.

37. Stranchius, Johannes: Consilio de eo, quod certo loco
dari aportet.

38. Stranchius, Joh. : De modo appellandi ad eam
dem Imperialium.

39^a, b, c Stranchius, Johannes: De appignoracionibus Imperiorum
libros. 3 script. 1715, 1742, 1743.

40. Stranchius, Fr. : De auctegis sine privilegiis
Iher. Rom. Imp. processum instantiis.

41^a, b Stranchius, Johannes: De iure martorum in uxores
resque uxoris.

42^a, b Stranchius, Johannes: Disputatio publica et lib. XLI
libri II Cons. de personis incertis constitutionem Reportam.
2 script. 1671 et summa circa 1714. cum brev. de vita Stranchii
narratione. auctore Laurentio Andrei Hamburgero.




Y3. Stranchius, Joh. : Praesentem Imperii periodum
te. istit.

Y4 Stranchius, Johanes : De hoste ditio.

Y5. Stranchius, Johanes : De actis publicis sine iudic-
cratibus





1671,44
12 XII
DISSE^RTAT^IO JUR^IDICA,
^{DE}
HOSTENDITHIS,

^{QUAM}
Consensu Incliti JCtorum Ordinis

In Celeberrimâ ad Salam Academia.

P R A E S I D E

DN. JOHANNE STRAUCHIO,

Magni Nominis JCto. Serenissimorum
Saxoniæ Ducum, nec non Celsissimi Principis DN. FER-
DINANDI ALBERTI, DUCIS BRUNSLICENSES ET LÜNEBURGENSIS. &c. Con-
filiario Eminentissimo, Codicis. Novellarum, itemque Jūris Publici
& Feudalis P.P. famigeratissimo, Facultatis Juridicæ Seniore Veneran-
do, Ejusque ut & supremi Ducum Saxoniæ Judicii & Scabinatus
Assessore gravissimo, ac p.t. DECANO splendidissimo.

DN. DOCTORE & PATRONO SUO
singulariter devenerando & suspicioendo.

Ad diem Maji. A. c^o. I^c. LXXI.

Publicæ Eruditorum Disquisitioni submittendo defensum ibit
JOHANNES REGULUS VILLINGERUS,
ULMENSIS. AUCTOR.

JENAE, CHARACTERE WERTHERIANO.



VIRIS

Perquam Magnificis, Prae-Nobilissimis, Amplissimis, Excellentissimis & Consulissimis, in Inclytâ & Liberâ Sacri Rom. Imperii Republicâ

ARGENTORATENSI.

DN. MARCO OTTONI U. J. D.

& Liberae Reip. Arg. ad Negocium Pacificationis Os nabrugensis Ex-Legato Magnifico, Ejusdemq; in Majori Senatu Consiliario Primario, aliorumq; Imperii Statuum Consulto Gravissimo, Domino Patrono & Mecenati suo Maximo.

DN. JOHANNI HENRICO BOE

CLERO. S.C. M. & Elect. Mogunt. Consiliario Eminentissimo, Com. Pal. Cæs. & in Acad. Argentoratensi Historiar. Professori longè Celeberrimo, Doctori & Promotori suo Optumo.

ET
ULMENSI.

DN. PHILIPPO ANDREÆ FRÖLI

CHIO. J. U. D. Lib. Reipublicæ Ulmensis, aliorumq; Imperii Ordinum Consiliario Meritissimo, Judiciorum Prætori nec non Gymnasi ibidem Directori Spectatissimo, Domino suo Cognato Honoratissimo.

DN. JOHANNI GEORGIO REGU

LO VILLINGERO, M. D. & Inclytæ Reipublicæ Ulmensis, aliorumq; Imperii Statuum Consiliario Medico Ordinario, nec non Gymnasi ibidem Scholarchæ Spectabilissimo, Domino Parenti, filiali amore & Obsequio piè prosequendo & propiciendo.

Hanc Dissertationem Juridicam,

debita sua gratitudinis & Observantiae declarunda

causa offerre & consecnre voluit debuit

JOHANNES REGULUS VILLINGERUS.

Ulmensis. AUCTOR.

V I R I

Magnifici, Pra-Nobilissimi, Amplissimi, Excellentissimi & Consul-tissimi,

Domini & Patroni Observandissimi.

Quoties Reverendam Vestram Præsentiam quā paucos ante annos corām uti frui mihi licuit, nunc oculis mentis intueor, toties certè me felicem prædicto, quod Tantos Viros, Doctores & Fautores natus sum, ex quorum Conversatione indies incrementa Virtutis & Doctrinæ uberrima sumere potui, atque etiam, quod spero, reverā sumasi, in tantum, ut quod deFronto *Lib. 19. c. 8.* ne Cornelio Agellius de se & suis Coætaneis dicere solebat. *p. m. 469. p.*

Quoties Eum (Frontonem Cornelium) vidimus loquentemq; med. audivimus, nunquam fallim; est, quin rediremus cultiores ferè doctioresq;.

Id Ego jure optimo de VOBIS ingenuè profiteri & possum & debeam. Quoties enim VOS vidi, loquentesq; audi vi nunquam factum est, quin redirem; cultior doctiorq;.

Nec aliter fieri potuit! Senum enim munus est Consilio & *Hom. d. 1A.* verbis βεληνεύοντα, *καὶ μέθοντα.* alias juvare. Quod munus Vestrum Vos ô VIRI, quorum Unusquisque Vestrum VIR est

παντανέα μῆδα εἰδὼς

Cordata Consilia sciens

Strenuè observatis, in tantum enim studia mea Consilio Vero & Verbis adjuvalitis & promovatis ut paucis dici nequeat. *vers. 278. C.* *ad. 3. v. 38.* Undè, quoties hæc talia tantaq; Beneficia tecum reputo, toties etiam Unumquemque Vestrum his verbis tacitè me increpantem audio.

Qui prior de te Benè meritus sum, debes invicem benè mereri. *Herod. Ha-*
Quā in crepatione excitatus me ipsum statim ita compello. *Licar. l. 1. p.*
ἐφείλω γά σε ἀμείβεσθαι Χερούλον. *m. 16.*

p. 10



pro beneficio gratiam referre debet.

Hom. i. A. E. Quapropter sine morâ in hac verba prorumpo:

vers. 235. p. εγω δὲ τοι εἰδὼς χάρεν ἡματα πάντα

m. 432.

ego autem tibi (VOBIS) habeo gratiam dies omnes.

Hom. i. A. Ψ. Et : σὺ δέ θεοὶ τὸν δ' αὐτοῦ χάρεν μενοεύεται δοῖεν.

vers. 65.

Tibi (VOBIS) a. Dii pro bi gratiam plurimam referant.

Verum enim verò ne Hæc mea Gratia, quam VOBIS
me debere publicè profiteor, nudis verbis constare videatur,

Ecce! ipso Operè gratam mentem meam ostendere gestio :

Offero itaque VOBIS hoc levidense chartaceum munuscu-

Plat. apbo-lum, summè rogitans, velitis à qui boniq., illud confulere nec
pbt. p. 172. B. tenuitatem Ejus aspernari, cum Munus non usū seu precio rei ob-

Briſſon. l. 1. late, sed ſtudio dantiū fit metiendum, Teſte Platarchbo. Imitatus
de regn perf. enim Sinatam Persam, qui cùm nihil melius haberet, aquam

p. m. 26. muneris loco Regi Artaxerxi obtulit; nullus dubito quia

Elian. l. 1. & VOS hoc tenue munusculum ferentā fronte fitis accepturi,

var. bif. c. exadīſſimumque Velstrum Judicium de eodem laturi, quod

32. p. 19. mihi longè erit gratissimum quemadmodum enim Hectori
Priami Judicium instar Trophai fuit, & ap. Navium notissi-
mum illum verſiculum exprefit:

Letus sum me laudari abesse, pater laudato viro

Ita & mihi Velstrum Judicium instar Trophai erit, dictumque
verſiculum paululūm infleſtere licebit.

Letus sum me laudari à Vobis PATRONI laudatissimis Viris.

Sed desino & tumultuariam Epistolam Voto clando, Deum

supplex Veneror, VOS, Reip. vestræ Literarumque firmissima

præſidia quād diutissimē Salvos fervet atq̄ue incolumes.

Valete & porrō commendatum Vobis habete.

VVVV. NNNN.

*dicatissimum
VILLINGERUM.*

I. N. D. N. J. C.

§. I.

E H ostenditiis non nisi unico Juris feudalis loco, libro scil.
z. F. 40. §. 2 mentio occurrit, quam
rem sub disputationis acumen voca-
turus, ante omnia in veram ac genui-
nam Vocis significationem paulò ac-
curatius inquirendum esse duxi; eo-
que magis quod à nullo hactenus, quod sciam, Feudista-
rum rectè sit exposita; non enim cum exteris in *H osterli-*
tium aut *H osterlias* corrumpenda est, neque cum *Heris-*
titio confundenda, cui vocabulo sui proprii sunt nata-
les:

§. II. Dicuntur E. Hostenditiæ , quasi Hosten-
diente, ab Hoste vel Ooste vocabulo merè Teutonico,
quod notat Servitium in Exercitu, vel pecuniam qua il-
lud redimitur, eadem compositione, quâ *Frohndienst/*
Herrendienst/Reitterdienst/ docente FREHERO in comm.
ad Imp. Karoli III. dicti Crassi Constitutionem de Expeditio-
ne Romanorum p. m. 25. & 26.

§. III. Antiquas enim Germanorum LL. si inspi-
cimus, deprehendemus, vocem Hoste, Hostis, idem no-
tare ac exercitus aut expeditio: Goldast. in glossar. quod
præmisit Tom. III. Recess & Constitut. Hostis. exercitus.
ost. hoste. hueste. Ita in Lege Longobardorum lib. 2.
tit. 18. L. 5. Si res tradiderit & in hoste profectus fuerit.

A

Et

Et L. 4. verba: *in hostem vadere* mox in eadem Lege de-scribuntur per verba: *Expeditionem facere.*

§. IV. Eadem significatio occurrit in Lege Salica. tit. 32. §. 6. verbo. *Scutum proiecisset in hoste* & tit. 66. verbo. *Si quis hominem in hoste occiderit:* In Lege Bavariorum tit. 2. c. 4. Ripuariorum. tit. 63. & 65. Saxonum. tit. 5. c. 1. & *pasim.*

§. V. Et hanc FREHERI Originationem confirmant quoque aliquot Textus Feudales, in quibus vocabulum Hostis, pro Exercitu, castris & militia sumitur. e.g. I. F. 7. dicitur: *Tunc enim possunt devestiri, nisi fecerint hostem Roma,* & I. F. 20. *Si insimul steterint, vel in hostem Regis acquisierint, i.e. in Exercitu & Comitatu Imp. Romanam profecti sint.*

§. VI. Unde refellitur Loccenii Originatione, ubi FREHERI Επιμωλογία cum laudat, addit: *Ostendienst.* quasi *aus vel us dem Dienst.* Verum si priscis Germanis ex Host vel Ost & dienst vocabulum est compositum, utique hosten non est compositum ex præpositione *us* & articulo *denn.* Ut argutatur Loccenius.

§. VII. Atque sic satis ni fallor, investigata Επιμωλογία, accedimus ad ipsam περιγυαπτολογίαν, describentes Hostenditias ex 2. F. 40. §. similiter, hunc in modum.

§. VIII. Hostenditiae dicuntur Adjutorium, quod faciunt Dominis Romanum cum Rege in hostem (exercitu) pergentibus Vasalli. Simile Scutagio Brittannorum, quod est servitium scuti in bello ferendi, domini juvandi causâ. Nam sub scuto reliqua omnia arma militaria comprehendebantur, ut tradit Matthaeus Cragius tractatus feudalii in Scotiâ & Angliâ obtinente lib. 1. diegesi XI. ubi addit, hoc scutagium servitiis militaribus accensi, quando publicæ expeditiones ad reprimendos hostes



stes sive rebelles in ordinem redigendos, siant: Quod si quis Scutifer in ea expeditione absuisset, taxatus est ad certam quantitatem domino feudi appendendam; Unde nos describimus ita: Hostenditiæ sunt Operæ Vasalli, Imperatori debitæ, ad comitandum Eum in Expeditio- nem iturum.

§. IX. Causa Efficiens est Jus ad rem, quod ex Contractu feudali oritur Seniori in Vasallum, quippe quem, ratione rei in feudum concessæ, obligatum habet ad fidem præstandam. II. F. 3. fin. 6. 7. 23. fin.

§. X. Competit igitur hoc Jus in personam Vasalli, non ratione conditionis seu status personæ, sed quatenus Vasallus habet Feudum, sub obligatione ad fidem concessum. MOLIN. in *Consuet. Paris.* tit. 1. §. 1. quæst. s. num. 45.

§. XI. Unde facile appareat, Domino Feudi, quatenus tali, Jus Superioritatis in Vasallum non competere; aliud enim est esse Vasallum, aliud esse subditum alicujus. CARPZOV. l. 4. resp. 70. n. 24. Non enim sequitur, inquit Matth. de Afflict. Ego sum Vasallus. Ergo sum subditus. add. II. F. 5. verb. si dico. Inde etiam est, quod dicitur in pacificatione Osnabrugensi: Von der blossen Lehns/ oder Affer-Lehns Qualität/ sie kommen von Königreich Böhmen/ oder ChurFürsten und Ständen des H. Römischen Reichs/ oder anders woher/ entstehet die Gerechtigkeit zu reformieren nicht ic. Idem etiam innuit illustris SEKENDORFFIUS p. 3. c. 3. Tit. 4. Und ist sonst eben kein Regal/ oder hohes Landes Obrigkeitliches Stück/ daß einer einem andern ein Stück Guts/ oder gewisse Einkommen und Gerechtigkeiten zu Lehen verleihet: Sintemahl viel geistliche und weltliche Personen/ die keine hohen Obrigkeiteten sind/ dergleichen



hen Lehnleute/ und oft höhere/ als Sie selbst sind/ haben/ bringet auch ins gemein die Lehn-Herrschafft keiner Unterthanen Pflicht mit sich/ wenn der Lehn-Herr nicht zugleich Landes Fürst ist. Denique differt omnino Juramentum Fidelitatis à Juramento subjectionis. Germ. *Huldigung / Lands-Huldigung / Erb-Huldigung/Erb-Pflicht.* Quid subditi præstant suis superioribus: Illud ratione Rei in feudum datur; hoc ratione personæ, quæ in societate civili quoad personam & res, est Imperanti subjecta, præstatur. vid. ROSENTHAL. c. II. concl. 34. BESOLD. thes. præst. voc. *Huldigung. & voc. Lehnmann. Lehnspflicht.*

§. XII. Hoc Ergo Jus ad rem non subjectionem Vasalli, sed saltem fidei præstationem importat, FIDES etenim de Essentia Feudi est. II. F. 5. c. in epistola. de form. fidel. 2. F. 6. & c. est & alia. de nov. form. fidel. II. F. 7. c. dominus. §. Curia. de mil. vas. II. F. 22. Dicitur etiam Fidelitas. II. F. 3. quæ dupliciter in jure feudal accipitur. I. pro Fide, quæ vel juramento, vel sine eo promittitur. II. F. 5. II. F. 6. & II. F. 7. II. pro ipso juramento fidelitatis. ut in c. utrum autem quid præced. deb. II. F. 4. II. F. 24. Et hoc quia ad naturam Feudi tantum pertinet aliquando Vasallo remitti potest. II. F. 3. II. F. 24. c. 1. nihilominus tamen ad omnia ea, quæ alias juramento, à Vasallo præstando, continentur, ipse est obligatus. II. F. 47. in fin. SCHRADER, part. 2. c. 2. num. 27. & c. 4. num. 14. ROSENTHAL. c. 2. c. 60. & c. 66. Non enim omnis promissio Fidei, sed modus solum promittendi fidem per juramentum est remissus. d. II. F. 3. fin.

§. XIII. Fides autem ipsa remitti nequit, nec feudum eō pacto constitui potest, ut pro eo Fides præstari non



non debeat, II. F. 5. 6. 7. II. F. 22. Vid. CUIAC. in prefat.
feud. in fin. ZAS. p. III. n. 34. BORCH. c. 7. p. I. n. 37. MOZZ. de
subst. feud. n. I. & 20. MENOCH. conf. I. num. 29. & conf. 65.
n. 45. vol. I.

§. XIV. Quærunt autem hic Dd. An ejusmodi pæ-
ctio pro non adjecta habeatur ita, ut feudum nihilomi-
nus consistat, & fides debeat: an verò hoc pactum to-
tum vitium actum, ita, ut nec aliud quoddam jus constitu-
tum censeatur? Pro non adjecto pactum haberi, posset
videri statuendum esse. arg. l. 14. n. de precar. l. I. §. 45. &
46. depositi. l. 14. iunct. l. 70. pro socio. l. 14. §. 2. comm. divi.
Totum verò actum vitiari tradit BOCKERUS tract. de subst.
feud. c. I. n. 19. hanc afferens rationem. qui enim, dicit, alii
quod negorium, quod solum contrahere voluit, inutiliter ag-
git, omisso scil. eis substantia, is non modò idem illud nego-
rium frustra & inutiliter tractat, sed & nullum aliud ne-
gotium confidere, in eo ipso censemur. sec. text. l. I. §. 4. de consti-
tut. l. I. §. 2. n. de V. O.

§. XV. Verū enim verò ad Quæstionem hanc re-
cte decidendam, in genere notanda venit distinctio pa-
ctorum circa Essentialia adjectorum.

Vel enim illa planè sunt contra jura, & manifestam
continent iniquitatem, & hæc non valent, sed habentur
pro non adjectis. vid. l. 27. §. 2. de pact. l. 29. §. 2. pro Soc.
Exempli gratia. Si in precario aut deposito convenerit,
ut non nisi post certum tempus repeatatur. l. 14. n. de pre-
car. l. I. §. 45. & 46. depositi. Vel pacta de substantialibus Ju-
ri non contrariantur, & tunc sunt aut præter aut contra
Essentiam: Illa Contractum vel Jus alterant, non tamen
efficiunt, ut aliis planè Contractus vel Jus constituatur.

A 3 vid.



vid. l. 24. l. 26. §. 1. π. depos. Atque eō spectant pasta feudo adjecta, quibus vel plus vel minus, quam utile dominium, Vasallo conceditur: Hæc verò quæ sunt contra Essentiam, ita transformant jus vel Contractum, ut alius planè Contractus vel Jus inducatur. *vid. l. 80. §. ult. π. de contrah. empt. l. 46. locat. l. 22. de præscr. verb. §. ult. Inß. de mand. verb. in aliam formam negotii cadere §. 2. in fin. Inß. quib. mod. re contrah. Oblig. l. 5. §. ult. pro Soc.* Atque huc etiam pertinet pactum, quo Obligatio ad fidem ei, cui conceditur dominium utile, remittitur; quippe cum eō ipsa formalis ratio feudi tollatur. Non igitur pro non adjecto habetur, quia non est contra jura, utile dominium alteri contractu quodam, absque obligatione ad fidem præstandam concedere: Et feudum quidem non constituitur, sed aliud quoddam jus, sive alia quædam utilis dominii species oritur. *arg. dd. text. ROSENTHAL. l.c. 2. concl. 57.* Ratio insuper ex BOCERO relata non obstat; distinguendum enim est; aut constat quod partes noluerint inire alium Contractum, quam illum, quem expresserunt, nec ex alio velint esse obligati, & tunc non observatis iis, quæ ad illum Contractum requiruntur, vitiatur omnimodo actus, quo de casu est *alleg. l. 1. §. 4. π. de constit. pec. & l. 1. §. 2. π. de V.O.*

Aut verò constat, quod contrahentes velint esse omnino obligati; quando videlicet Contractum partes quidem celebrant, sed per expressum pactum ejus essentiam alterant vel transformant; & totus actus non vitiatur, sed propter voluntatem expressam paciscentium aliud negotii genus oritur, ut modò diximus. *vid. Magn. Dn. D. STRUVE. S. F. c. 2. aph. 6. fin. SCHRADER. p. 2. c. 2. n. 34. & seqq.*

S.XVI.



§. XVI. In quod verò FIDES illa, ad quam Vasallus se obligat, consistat, traditur. II. F. 6. & patet quoque ex formulā juramenti propositā. II. F. 7. cuiusmodi etiam hodiè adhiberi solet. V. SCHNEIDEVIN. epit. feud. p. 5. c. i. SCHULZ. c. 9. n. 35. WERN. ab EHRENB. tract. de fæder. c. i. BOCER. d. tr. c. 4. num. 20.

§. XVII. Et quidem in genere Eadem consistere videtur in Reverentiâ Domino à Vasallo exhibenda; Tâciturnitate, & Utilitate Domini. V. VULTEJ. de feud. lib. I. c. V. WESENBEC. c. 9. n. 10. HART. HARTM. lib. 2. de feud. observ. 30. CURT. JUN. p. 4. n. 1.

§. XVIII. Ad Reverentiam Vasallum meritò obligat collatum Beneficium. arg. l. 25. §. 2. π. de petit. bæred. de quâ videantur. texx. II. F. 22. vers. curia autem. & II. F. 25. vers. quomodo enim. ex quibus & aliis patet, Vasallum ita se gerere debere, uti erga illos faciendum est, quorum persona sancta & honesta videri debet. l. 9. π. de obseq. parent. & patron. præstand. SCHRADER. part. 6. c. 6. num. 101. & p. 10. scit. s. n. 127. SCHNEIDEVIN. p. 5. num. 115. seqq.

§. XIX. Non igitur criminis alicujus Dominum Vasallus accusare potest. II. F. 33. §. item similiter. 24. §. item si delator. Excipitur à Dd. crimen perduellonis & læsæ Majestatis, de quibus criminibus dominum à vasallo rectè accusari volunt. MATTH. de Affl. d. II. F. 24. §. item si delator. n. 13 SCHENCK. BARO. ibid. RITTERSH. lib. 2. c. 1. quest. 8. LUDVVELL. arg. Nov. 115. c. I. §. 3. in Synops. Feudal. cap. 14. p. 364. SONSBEC. p. 12. num. 48. Nec actionem famosam aut exceptionem adverlus Eum intentare. arg. c. e. est. & alia. de nov. form. fidel. II. F. 7. l. 10. §. 12. π. de in jus voc. l. 1. c. 1. de dol. l. 2. & l. 5. π. de obseq. par. & patron. præstand. l. 4. C. eod. Hinc nec interdicto unde



vi adversus dominum vasallum experiri posse Dd. tradidit. arg. l. 1. §. 43. n. de vi & vi arm. II. F. 22. verb. salvare reverentia. Vid. ALVAROTT. ad d. c. 22. p. 2. n. 9. ZAS. p. II. n. 23. Dn. RITTERSH. lib. 2. c. 1. quæst. 7. HUNN. c. 17. p. 355. ubi ad contraria respondet. LUDVVELL. Synops. Feud. c. 14. p. 365. Diff. VULT. I. F. c. 11. n. 27. ROSENTHAL. c. 10. concl. 23. n. 3. BORCH. c. 9. n. 18. tamen prior Opinio & communior est & verior per textum in c. dominus. d. II. F. 22.

§. XX. Quæri insuper hic solet, an propter refectionem hanc Domino debitam, Vasallus sine venia dominum in jus vocare queat?

Quæ de re variæ sunt Dd. Opiniones, ut videre est ep. ALCIAT. ad L. 1. C. de in jus. voc. VULTEJ. lib. 1. de feud. c. X. n. 32. Dn. RITTERSH. d. c. 1. quæst. 14. & 15. NIELL. D. de feud. 10. th. 4. B.

§. XXI. Sunt enim qui Negant. arg. l. 13. & 14. n. de injus. voc. & l. 2. d. tit. Quos interest ZAS. ep. 7. n. 47. OLDENDORP. class. 1. act. 4. HART. HARTM. in Observ. prætit. de feud. Obs. 44. in addit. Ubi Præjudicium Cameræ Imperialis in Negativam sententiam allegat. SICHARD. consil. feud. 8. quæst. 1. ubi itidem pro Negativa aliquando Tübingenses consuluisse perhibet.

§. XXII. Sunt etiam qui Affirmant. cum Gloss. ad d. c. dominus II. F. 22. ibique ALVAROTT. n. 8. BALD. n. 24. JUL. CLARUS. d. c. feudum. FACH. 10. controv. 89. CANTIUNC. consil. 2. n. 7. & complures alii relati à CAMILLO BORELLO. in sum. decis. tit. 45. n. 730. MTNSINGER. 4. observ. 92. in fine. GAIL. de pignor. c. 15. n. 4. ROSENTHAL. s. Feud. 69. lit. b. & BORCH. c. 10. de feud. num. 38. Qui posteriores unò ore confitentur, quotidie in Cameræ Imperiali Affirmativam observari.

§. XXIII.



§. XXIII. Verum enim verò, licet Affirmativa ve-
rior esse videatur, eò etiam quia propudiosa in Jus voca-
tio , quā olim antagonistam ubicunque deprehensum
propriā authoritate prehendere, & invitum obtortō col-
lo ad prætorem trahere auctori licebat, hodiè sublata est,
adeoque cessante ratione impetranda veniæ, cessat dis-
positio. V. B. CARPOV. ad p. 1. C. 2. n. 26. Nihilominus ta-
men modeste ac reverenter adhuc Citatio impetranda e-
rit. vid. ROSENTHAL. vol. conclus. 33. SCHNEIDEVVIN. epit.
feud. part. 5. n. 119. CLAR. c. feudum. quæst. 25. MTNSINGER. 4.
Observ. 92. CARPOV. p. 1. c. 2. desin. 26. Magnific. Dn.
STRUU. S. F. cap. XI. aphorism. III. & S. I. C. Exercit. 5.
thes. 9.

§. XXIV. Porrò Honor domino debitus exigit,
ne Vasallus testimonium dicat adversus dominum. II. F.
33. §. similiter. arg. l. 4. n. de Testibus. l. 12 C. eod. Neque in
criminali causâ, neque in Civili modicâ. d. tex. II. F. 33. §.
similiter. & § seq. In civili verò non modicâ seu magna
testari contra dominum impunè ipsi licet. Quamvis non
nulli sint, qui cum Cujacio & GOTHOFREDO hunc Tex-
tum variis modis corrificant, & dictam particulam modi-
câ , modè huc & illuc transponant: Nobis tamen res
clara esse videtur; cum Ratio prioris sit hæc; quod in
criminali quidem causâ non liceat, propter grave quod
inde sustinet dominus dispendium. II. F. 24. c. item si dela-
tor. Liceat verò in Civili, quod istiusmodi grave dis-
pendium in eâ cessit, adeoque meritò iusta causa adver-
sarii testimonio vasalli adjuvetur; In causâ autem mo-
dicâ cum non multum prosit adversario testimonium va-
salli, & tamen istâ causâ molestus sit adversarius domi-
no, ipsique negotium facessat, jura feudalia in tali causâ;

B

vasal-



vasallum testimonium perhibere noluerint. Vid. ROSENTHAL. & alleg. c. 10. concl. 23. n. 25. Dn. D. STRUVE. s. F. c. II. th. 3. n. 3. BOGER. tract. de jur. & comm. senior. c. 2. n. 4. Vel etiam hæc Ratio esse potest, quod in causâ Civili modicâ testimonium contra dominum dicere prohibetur: Quia scilicet contra eum vasallus provocatur cui Obsequium debet: Ergo non adeò promptus debet assurgere, nisi Justitia favor præponderet; & causæ magnitudo eum excusat, tanquam necessitate ad hoc coactus fuerit. Vid. MOESTERTIUS. D. F. VI. thes. 9. in fin. conf. SONSBECK. p. 12. n. 68. STEPH. GRATIANUS. 3. discept. for. 597. num. 1.

§. XXV. Ceterum hanc Testimonii prohibitio nem tam in causâ Civili quam Criminali, Dd. ita explicant & limitant; Eam scilicet procedere in causis non feudalibus; quoniam in causâ feudalî super investituræ negotio etiam contra dominum rectè testimonium ferre vasallus. ZAS. pag. 10. num. 49. SETZ. D. feud. 9. thes. 8. lit. C. Deinde si non sponte, sed coactus Testimonium dixerit. Hoc enim casu eum excusari Dd tradunt. GLOSS. in d. c. prima autem. c. 2. vers. item si delator. II. F. 24. & d. c. sciendum. §. similiter. II. F. 33. Si enim vasallus ad testimonium contra dominum vocatus resistat, & nihilominus a Judice vel Magistratu cogatur, tunc absque periculo testimonium perhibere potest. Docente ALVAROTT. MATTH. de Afflictis. in d. text. FRANC. CURT. part. tract. feud. 4. caus. priv. 32. n. 7. Cum nulla ipsi Culpa imputari possit. ZAS. d. p. 10. n. 49. VULTEJ. lib. I. c. II. n. 42. JACOB de S. GEORG. verb. dis. Etig. vasalli promiserunt. num: 25. MOZZ. ex quib. caus. feud. amitt. num. 32. atque se in facti contingentia aliquoties vidisse servari, testatur BORCH. c. 8. n. 128.

§. XXVI.



§. XXVI. Ex Eādem præterea Obligatione ad Reverentiam fluit, quod non possit exigere à domino vasallus juramentum calumniae. II. F. c. 33. in quibus. Idque sive vasallus juramentum fidelitatis præstiterit, sive non. Nam quod nonnulli posteriori hoc casu tam dominum, quam vasallum de calumniâ jurare oportere volunt, GLOSS. in d. c. in quibus. ibid. ALVAROT. & SCHENCK. BARO. ad d. c. d. HARTM. d. obf. 45. BORCH. c. 10. n. 40. & alii, recipiendum non videtur, tūm quia text. in d. c. sciendum. c. i. indistincte loquitur, tūm etiam quod ratio propter quam juramentum Calumniae remittatur, non tantum sit juramentum fidelitatis semel præstitum; Sed etiam, & quidem præcipue mutua Reverentia & Fides, quam sine juramento quoq; sibi invicem debent domini & vasallus, c. in epistola. in fin. de form. fidel. 2. F. 6 VULTEJ. lib. 2 de feud. c. 3. n. 8. ROSENT. d. c. 12. concl. 13. n. 58. SETZ. disp. feud. ult. sh. 16. lit. A. Neque etiam distinguendum puto inter juramentum calumniae antiquum sive speciale, quod præstari solet ab eo, qui alteri jusjurandum in judicio defert; & novum seu generale, quod à Justiniano introductum, initio Litis ab utrâque parte præstandum est. I. 2. C. de jurejur. propter calumn. ita, ut cum HOTTONANNO & CUJACIO Textum de priori accipiamus. I. 16. n. de jurejur. de posteriori verò negemus. I. 34. §. 4. m. cod. Hanc enim Legem 34. §. 4. quod attinet, correctione aliquâ eam indigere cum CUJACIO p. Obf. 37. existimamus, ita ut legendum, æquè patrono atque parentibus remittitur: quam lectionem præter I. 3. c. 5. n. qui satisd. cog. confirmant libri Basilicorum, in quos d. §ita translatus: Οὐπτάνω πεῖται Θεοὶ ὄμοιος τὸν ωθεῖσκον θανάτῳ, ἀνταντῆν, ὅταν ἔλεος κατέχει τὸ πάτερων. Lib. 22. tit. 5. I. 34. edis. Fabrott. tom. 3. fol. 138. ubi etiam in Scholiis lit. K. fol. 302. B. 2. v. 1. m. addi-



additur Ratio : οἱ ἀνίστρες τὸν συκοφάντινον ὅρκον· ὅμοιως ἐ^τ
νεὶ οἱ πάρεγωντες ὁδέποτε ὄμνύσσονται. Τόπον ἐχεισθεῖσας τοντο-
φυγαν. ἡ γεννητὴ τὸν εἰσὶ συκοφάντα. Atque hæc Ea ipsa videtur
esse Ratio, quod Dd. communiter Textum generaliter in-
telligunt, ut nullum omnino juramentum calumnia dominus & Vasallus unquam præstare cogantur. Gloss in d.c.
Sciendum. §. 1. ibid. ANDR. de ISEN. n. 8. BALD. n. 1. & 2. ALVA-
ROTT. n. 1 & alii. Nisi fortè ultrò quis ad jusjurandum se ob-
tulerit, quo tamen casu alteri parti necessitas præstandi non imponitur: cum suo quidem juri quilibet renuncia-
re possit, sed adversario jus quæstitum auferri nequeat.
BALD. ALVAR OT. PRÆPOS. & SCHENCK. BARO. add. c. sciendum.
c. in quibus. ROSENTHAL. d. concl. 13. n. 48. WURMSER. lib. 1. tit.
14. Obs. 7.

§. XXVII. Ceterum dicta Reverentia Vasalli erga
Dominum requirit etiam, ut Vasallus, casu eveniente,
renovationem investiturae justo tempore à Domino pe-
titat. II. F. 40. II. F. 24. pr. 1. F. 22. eò quod petitio Investiturae
sit signum devotionis ac Reverentiæ, quam Vasallus Do-
mino suo exhibere debeat. arg. c. prima autem pr. qua fuit
prin. causa. benef. amitt. II. F. 24. ibique Feudistæ commu-
niter, teste BORCH. c. 7. n. 30. CURT. JUN. p. 4. n. 45. MOZZ. de
substant. n. 4. SCHNEIDEVINN. p. 5. n. 4. Est autem hæc Reno-
vatio nil aliud, quam confirmatio & quasi redintegratio
Investiturae de feudo primitus factæ. c. investitura. pr. ibid.
Gloss. 2. F. 3. VULTEJ. l. F. c. 7. n. 96. seq. MENOCH. consil. 66. n.
28. & 40. vol. 1. Feudistæ communiter. in c. 1. quid præced.
deb. BALD. in c. 1. de prohib. feud. alien. per Lothar. & in auth.
hoc jus porrectum C. de SS. Ecc. Hæc enim nihil novi juris
addit, sed id, quod invenit, confirmat SCHENCK. BARO. in c.
1. n. 1. quid præced. deb. SCHRADER. p. 6. c. 3. n. 29. seq. Unde
perhibent renovari debere feudum per investitaram sub-
ea-



eadem formâ & pacto, quo prima Investitura facta fuit.
BARTOLUS in l. quod dicitur. n. 9. n. de impens. in ren. dot.
fact. BALDUS. in l. i. quest. 15. n. de R. D. quomodo investituta
ram esse renovandam judicavit Camera Imperialis. 23. 3a.
nuarit. An. 1544. adeoque in feudo renovato repetitas
censi omnes qualitates investiturae primæ. BALD. in l. u.
nica. n. 31. C. quando non petent. part. ALEX. conf. 30. n. 6. vol. 1.
& conf. 107. vol. 4. Toties verò hæc Investiturae Renovatio
est petenda, quoties persona vel Domini vel Vasalli muta-
ta est, puta, alterutro vel utroque mortuo. c. 1. pr. ubi IERN.
BALD. ALVAROTT. & AFFLICT. quo tempore miles. JACOB. de
S. GEORG. in invest. verb. dicti vasalli. n. 2. CURT. JUN. p. 4.
n. 54. ZAS. p. 10. n. 16. SCHRADER. p. 6. c. 1. n. 1. ROSENTHAL. c. 6.
concl. 30. A quibus autem Eadem petatur, vel etiam qui pe-
tere Eandem debeant, prolixè nos docent Feudistæ ad c.
investitura. c. 1. per quos fiat investitura. II. F. 3. 2. F. 26. & 2.
F. 77. conf. LUDVSELL. Synops. Fend. §. 11. p. 289. & imprimis
Eius Tract. de Renov. Investit. cap. 10. VULTEJ. lib. 1. c. 7. n. 134.
quæ omnia & singula hæc dissertatione complecti nequi-
mus, cum brevitas nobis pro Lege sit.

§. XXVIII. Illud autem adhuc Observationem ali-
quam mereri videtur, quod hæc Investiturae Renovatio
peti debet intra annum & diem. d. c. prima autem. pr. 2. F.
24. d. c. imperialis. § fin. 2. F. 32. & d. c. Imperiale. in fin. pr. 2.
F. 55. ARDIZ. in summ. feud. c. 42. & 72. CURT. JUN. de feud. p. 4.
n. 24. DUAR. de feud. c. 14. n. 2. WESEMPEC. conf. 148. n. 12. seqq.
PARIS. conf. VI. n. 31. vol. I. FORCATUL. de feud. c. 4. pr. COLER.
decis. 83. n. 1. FERRAR. 3. coll. 6. Neque hic obstat. c. sancimus. pr.
quo temp. mil. invest. pet. 1. F. 2. In quo annus & mensis re-
quiri videtur. Hinc diversæ Dd. opiniones hæc de re. Alii
enim cum HOTTON. & Cujacio textum corrigendum, &
pro voce mensem, diem legendum esse existimant; Alii

B 3 spe-



speciale quid esse, adeoque solis *militibus* favore *militie* indultum autumant, quos inter est LUDVVELL. *Synops. feudal.* c. 2, p. 294. MINTSINGER. d. cent. 5. *Obser. 9.* ROSENTHAL. c. 6. *concl. 30.* n. 7. Alii denique cum VULTEIO & STRUVIO assertunt, jure quidem *annum* & *dierum* definitum fuisse, juxta textus allegatos; non tamen ita strictè observatum in iudiciis, sed si Vasallus post lapsum *anni* & *dierum* venisset, intra spacium 29. dierum moram commissam, celeri quādam satisfactione pro purgata habitam fuisse. *per d. c. 1.* quo temp. miles. quod innuere videtur particula ULTRA. d.c. 1. Adeoque diem in jure feudali, non naturaliter, sed civiliter accipiendum esse, ita ut non unus dies, sed aliquor dies ultra annum intelligentur, author est SIER. REUSNERUS. *colleg. feud. disp. 4. th. 19.* & FINCKTELH. *disp. 7. contr. 16.* Quot autem dies indulti sint moribus Longobardorum, exprimitur d. 2. F. 22. ubi anno mensis adjicitur. Et hæc Explicatio confirmatur Jure Saxonico: quō itidem formulā annus & dies, *Jahr und Tag* / non denotatur annus & unicus dies, sed plures dies ultra annum, nimiriū sex septimanæ cum tribus diebus. *LandR. lib. 1. art. 28.* Gloss. Et quoad hanc ipsam Renovationem Investituræ annus & dies explicatur per sex septimanas. *LehnR. c. 22. & 25.* Atque hæc Sententia, ut benignior, recipi omnino mereatur.

§. XXVIII. Dicta Vasalli erga Dominum Reverentia quoque requirit, ut Instrumentum Investituræ, & sic titulum possessionis suæ edat. Gloss. in §. *Imperiale.* §. *ilud quoq[ue] 2. F. 55.* HARTM. PISTOR. p. 2. *quest. 46.* NICOL. INTRIGL. *de feud. art. 84. fin. cent. 2.* pro justificandâ scil. possessione feudali: Ita enim germanicè dicunt: *Lehns-Justification.* Atque huc pertinet usurpata hæc in re Clauſula: *Die vorigen Muchzeddel in originali, dem hiesigen*



gen Cangeley / Gebräuch Gemäß mit zur Stelle
bringen. Non tantum autem in judicio, sed etiam extra
judicium petenti domino vasallus Instrumenta Investi-
turæ edere tenetur. arg. I. Titius heres. ubi Alberic. n. de alt.
empt. ISERN. in c. i. § illud quoq; de prohib. feud alien. per Fri-
der. BORCH. c. 8. n. 117. JASON. in pralud. feud. n. 51. WESEM-
BEC. d. confil. 195. n. 164. seqq. Atque hæc de Reverentia di-
cta sufficiant.

§. XXIX. De Taciturnitate res est expedita quod
Vasallus non possit pandere secreta domini sui. GLOSS. in c.
de formâ 32. quæst. sive. & regulare id esse respondit DE CIA-
NUS conf. 27. n. 23. v. 1. Adeò, ut vasallus revelans secreta,
id est, dicta vel facta Domini sui, feudum amittat. per text.
in c. i. quib. mod. feud. amitt. BALD. in c. i. verb. credentia. de
pac. Conf. & in l. nullum. C. de Testibus. JASON. confil. 87 & 89.
CRAVET. conf. 224. n. 6 CÆPOL. confil. 39. n. 29. quam rem val-
dè esse periculosa, dicit WESEMBEC. de feud. c. 15. n. 6.
ideoque monet tria desiderari, ut ex hæc causâ feudum a-
mittatur. 1. Ut Vasallus id fecerit scienter & dolo malo. d.
c. i. quib. mod. feud. amitt. 2. Ut id fecerit animo afficiendi
dominum damno. d. loco GLOSS. & AFFLICT. in c. i. quib. mod.
feud. am. SCHRADER. 9. feud. 3. n. 1. PACIAN. 2. de probas. 40 n.
15. 310. ut reverà damnum inde sit secutum. ZASINUS p. 10. n. 34.
seqq. SONSBEC. p. II. n. 62 Mozz. ex quib. causis. feud. in n. 35.
Quod postremum tamen non semper requiritur, cum
nonnunquam feudo privari possit vasallus, si modò eō a-
nimò revelavit, ut domino noceret GIGAS. de crim. Læf.
Majest. quæst. 21. n. 8. BORCHOLT. c. 8. n. 127. Controversia au-
tem Vasallo si ea de re incidat, ipse probare debet mali-
tiosè à se secreta non esse revelata, ALVAROT. in c. i. quib.
mod. feud. am. LAS. p. 10. n. 35. CURT. JUN. de feud. pars. 4. conf.
37. n. 76. fin. SCHRADER. 9. feud. 9. n. 44. 50. seqq. & part. 9. fech.
n. 12.



12. n. 34. BARDELL. i. conf. 101. n. 57. seqq. ROLL. à VALLE. conf. I.
n. 89. vol. 3. Sed probè hic notandum, quod scribit HEIGIUS
2. quest. 40. n. 48. nimis si vasallus convincatur secre-
tum domini revelasse, ipse autem contendat, se id non
malà mente & animo fecisse, eundem jurare debere, se
id eo animo non fecisse, ut domino noceret: Atque hoc
etiam affirmat JACOB. de S. GEORG. in verb. di^{ct}io*n*g. vasalli
promis. comm. fel. n. 28. Sed SCHRADERUS. sup. cit. loco. con-
trarium tenet, atque vasallum hōc casū ad jurandum ad-
mitti non debere asserit; Cujus Sententia verior & con-
scientiæ tuior esse omnino videtur.

§. XXX. Ad utilitatem denique & Incolumitatem
Domini promovendam, quōvis loco ac tempore Vasal-
lus omnino est adstrictus; Commodum autem domini
promovet, & damnum Ejusdem avertit in genere qui-
dem ita se gerendo, ne vel omittendo vel committendo
oblit. 1. Vitæ & corporis INCOLUMITATI & SECURITATI.
2. Bonorum TUTÆ, FACILI & POSSIBILI conservationi aut
acquisitioni; aliive UTILITATI; & HONORI domini. 2. F.
j. 6. 7. Vid. ANDR. KOHL. de serv. feud. l. 4. n. 1. seqq.

§. XXXI. In specie verò Utilitatem domini promo-
vet Vasallus per Servitia feudalia: sive vasallitica, & mili-
taria. *Lehen oder Ritterdienste*. 2. F. 23. fin. & 2. F. 55. c. fir-
miter. conf. i. F. s. pr. 19. 20. 21. 2. F. 12. 21. 26. §. beneficium. Est
enim de Naturā feudi, ut vasallus domino suo ed nomine
servitia præstet. per. c. i. §. firmiter. de prohib. feud. alien.
BORCH. in c. i. n. 29. ARDIZ. rubr. 33. MOLIN. in consuetud. Par-
tiens. de feud. tit. i. n. 52. & 53. Non verò de Essentiā feudi
est: quia feudum etiam ita concedi potest, ut nulla o-
mnino à Vasallo præstentur servitia. arg. c. significavit. 41.
X. de testib. & attestat. Quod feudum Francum sive libe-
rum appellant BALD. in pralud. feud. n. 53. ALVAROT. in pre-
log.



*log. divis. 2. ZAS. p. ult. n. 36. SCHRADER. p. 8. c. 2. n. 32. CURT. tr.
feud. p. 1. quest. 8. n. 27. ARUM. D. F. I. th. 38. DEC. conf. 193. n. 4.
adeoque salvâ feudi essentiâ pactô fieri potest ut servitia
vasallo planè remittantur. ISEN. in c. 1. II. quib. caus. MOZZ. de
accident. feud. n. 31. ANDR KOHL. de servit. feud. p. 1. n. 5. 6. 7.
seqq. MENOCH. conf. 1. n. 31. Jam verò quæ formæ sunt, ea ex
partis immutari nequeunt: Servitia igitur non de sub-
stantiâ, sed saltē de feudi natura esse ex dictis constat.
Neq; etiam hic obstat. c. 1. in quib. caus. feud. amitt. ex. F. 23.
ubi servitorum expressa in descriptione fit mentio: quo-
niā ad ea respexit Feudista, quæ ex naturâ feudi insunt,
etiamsi nihil de iis dictum vel actum fuerit. ISEN. ad d. c.
1. Obertus. n. 9. SCHENCK. num. 3.*

§. XXXII. Consistunt autem illa servitia, in Operâ,
quâ tam belli quam pacis tempore, consilio atque auxi-
lio, domini vita, corpus, honorque defenditur, territori-
um aliave bona ac jura conservantur atque augentur:
Quæ opera regulariter est militaris, & equis armisque
præstatur: unde vocari consuevit, *Ritterdienst*. vid. I. F.
5. pr. 19. 20. 21. 22. F. 12. 21. 26. §. beneficium. Eaque secundum
communem, feudi naturam est indeterminata, sed mo-
deratè à domino exigenda, & cujusque loci consuetudo,
ut & quantitas feudi attendenda est ROSENTHAL. c. 8. concl.
4. n. 3. GAIL. 2. obs. 62. Unde plerumque recurri solet ad
schedulas lustratorias. *Muster oder Forirzettel*. Ut quot
equis delectu factō quis comparuerit, tot servire obliga-
tus esse præsumatur. KNICHEN. de pact. vest. p. 2. c. 5. n. 19. de
jur. terr. c. 3. n. 366. Quandoque verò in Investituris hæc O-
pera determinata reperitur. v. gr. ut vasallus uno, duobus
tribusve equis sit præsto, daß er das Leh'n / mit einem/
zwen oder drey Ritter Pferden bediene. JACOB. de S. GE-
ORG. tratt. de feud. verb. & promisc. HEIG. 1. quest. 18. n. 12.

14. BOCER. c. 4. n. 30. Vel etiam si exigua sunt feuda, ut ratio-
ne duorum vel plurium feudorum unus alatur & mittatur
cum milite equus : **Das das Lehn ein halb Ritteri**
Pferd oder weniger halte. KOHL. de serv. feud. p. 4. n. 95.
ANTON. disp. feud. 7. lib. 3. lit. C.

§. XXX. Præstanta autem domino est à Vasallo hæc
Opera militaris, quando Eādem indigeret, Dominum au-
tem Eā indigere, cūm facti sit, quod divinare citra denun-
ciationem Vasalli nequeant, sequitur, istiusmodi operam
omnino prius Vasallis intimandam ab iisdemque specia-
liter petendam esse, arg. pr. nostris textus. verb. in petend.
hostendit. Et c. secundi Constitutionis Karolin. his verbis:
*Annus cum sex hebdomatibus ad præparationem nobiscum
euntium pro induciis detur, & per totum taliter regnum
fidelibus nostris indicetur.* Vasallus etenim non ni-
si requisitus ad serviendum sese sistere tenetur. 2. F. 26. §.
licet. F. 28. §. ad hoc. 2. F. 37. in fin. conf. ZAS p. 7. n. 27. BORCH. c.
1. n. 24. Et ad servitia præstanta, quando iis opus. 1. F. 21. in-
terpellatio sive Indictio omnino est necessaria. dif. 2. F.
26. §. licet. & ss. c. firmiter. Quæ olim scripto aut voce præ-
conis siebat & illa Latinitate dicebatur Bantus, mulcta
autem emanentis Heribannus vocabatur; Et indiceba-
tur in duorum hominum sive comparium præsentia: uti
nos docet vetustus quidam Auctor de Beneficiis. c. 9. Et tex-
tus aliquis feudalis. lib. 2. F. tit. 54. de Allodiis ita conceptus:
*Si de vocatione legitimâ à Domino suo convinci per compa-
res suos poterit, feudum perdat; & dominus in suos usus il-
lud habeat redigendi liberam facultatem.* Ceterum de jure
communi feudali talis interpellatio sive Indictio vel ge-
neralis est, quæ sit per solam certiorationem, ad hoc ut
parati sint Vasalli; vel specialis. 2. F. 7. quæ sit periculo ap-
propinquante, quando locus simul indicatur lustrationis,
ubi



ubi comparendum sit: Prioris Exemplum exhibent hæ
Litteræ Evocatoriaæ, quas adhuc adjicere haud superva-
caneum esse duximus; quarumque subjecta Copia ita so-
nat: Von Gottes Gnaden/ Johann Philipp/ Her-
zog zu Sachsen n. Lieben getreue/ weil sich die Ge-
fahr im Heil. Römischen Reiche / von Tage zu Tage
bevölklicher anläßt/ in deme allerhand gefährliche mo-
tus und Kriegs Empörungen sich hin und wieder er-
eignen/ also/ daß wir unumbgänglich verursacht und
bewogen werden/ (ohngeachtet wir mit niemanden
in ungurem zu thon) unsere Sachen in gute Acht zu
nehmen/ und auff Mittel und Wege zu gedachten/
wie wir und unsere Lande und Leuthe so viel möglich
vor unbillichem und unverschuldetem Gewalt/ ver-
mittelt des Allmächtigen genädiger Verleyhunge ge-
sichert seyn und bleiben möchten; als begehren wir
vor uns und die Hochgebohrne Fürsten / unsere
freundliche geliebte Brüdere und Gevattern Herren
N. N. &c. Ihr wollet Euch/ vermöge euer Pflicht/
mit den Pferden und Knechten/ mit welchen uns/ und
genanten unsern geliebten Brüdern / auch unsern
freundlichen lieben Vettern/ Fürstl. W. Linien. Ihr
zu dienen schuldig/ also und der Gestalt gefast machen;
Daz ihr auff ferner unser Zuschreiben an dem Orte/
dahin wir Euch erfordern möchten/ bey Tage und
Nacht ohne Aussenbleiben erscheinet/ und Euch hier-
an nichts als Gottes Gewalt/ verhindern lasset. NB.
Im Fall Ihr aber durch Leibes Ungelegenheit das-
von abgehalten würdet/ nichts desto weniger eine sol-
che Persohn/ damit wir zu frieden seyn können an
euere Statt samt zugehörigen Pferden und Knech-
ten ohnfehlbar schicket/ und solches nicht anders hal-
tet.



tet. Daran geschieht unsere zuverlässige gänzliche und
gefällige Meinung. Datum N. att 24. Martii. Anno.
1626.

§. XXXIV. Quando itaque hunc in modum petita
prius ac requisita fuit hæc opera, tunc omnino quoq; à Va-
sallo Domino erit praestanda, & quidē juxta Indigentiam
Ejus tam belli quam pacis tempore cum sc. in periculo est
constitutus. 2. F. 7. & 26. §. licet. 28. vers. adhuc. maximè autē
cūm guerrā facit. 2. F. 28. pr. c. domino. modò causa justa &
rationabilis sit; tunc enim vasallus dominum tam in de-
fendendo quam offendendo omnino adjuvare tenetur.
2. F. 7. c. est & alia. vers. et si scivero. ZAS. p. 7. n. 27. BORCH. c. 7.
n. 45. Idem dicendum si causa dubia sit. c. domino. 2. F. 28.
quoniam determinatio istius dubii ad vasallum non per-
tinet, sed debet obsequi domino suo, cuius persona, ipsi
sancta & honesta videri debet. arg. l. 9. π. de obseq. par. &
patr. praestand. BALD. ad d. c. domino. Sin verò causā notoriè
& evidenter sit injusta vasallus domino auxilium praesta-
re non tenetur. c. i. vers. et si scivero. de nov. for. fidel. ZAS. p.
7. n. 28. BORCH. c. 7. n. 44. MENOCH. consl. 281. n. 32. vol. 3. Si
tamen dominus, etiam injustè bellum gerens, in magno
periculo constituantur, defendere ipsum tenetur vasallus.
2. F. 28. verb. adjuvet cum ad ejus defensionem. Vid. KOHL.
p. 2. n. 46 seqq. Ratione etiam personæ domini consideran-
dam est, quod bannitum seu proscriptum 2. F. 28. Ordin-
des Landfried. rubr. die Poen der Friedbrecher. CARPZ.
prax. crim. p. 3. qua. 140. GAIL. lib. 2. de pac. publ. item excom-
municatum. d. 2. Feud. 28. junct. c. pon. & ult. §. vasal-
lus adjuvare non tenetur. vid. KOHL. p. 2. n. 59. seqq.

§. XXXV. Hanc Operam yerò vasallus domino praes-
tare tenetur contra omnes: per c. est & alia. 2. F. 7. Excipi-
tur a. I. Imperator. Rex. seu Princeps. 2. F. 7. 55. in fine. quia
re-



regulariter subditi Majestati resistere nequeunt, sed potius injuriam illatam tolerare debent. GROT. in aureo lib. de Jur. Bell. & pac. l. 1. c. 4. n. 1. seqq. II. Dominus antiquior. 2. F. 28. in fin. qualis non tantum est is, cui prius juramentum praesertim est, sed & ille, cuius vasallus jam ante est, qui nunc feudum accipit e. Imperialis. §. satus bene. de probib. feud. al. per Loth. 2. F. 2. Adeò ut neque etiam per substitutum vasallus posteriorem contra priorem dominum adjuvare possit. per d. 2. F. 28. c fin. add. HUNNIUS. c. 13. p. 372. 310. III. Excipitur patria vasalli. arg. l. 35. π. de relig. & sumpt. fin. BORCH. c. 7. n. 49. SCHENCK. BARO. n. 4. de nov. form. fidel. RITTERSH. c. 1. quest. 24. adeò ut si dominus vasalli sit proditor ipsius patriæ, ipse accusari possit à vasallo. Gloss. in c. 1. que fuit prima causa. cum alias hoc facere nequeat. ut sup. docuimus. IV. deniq; excipitur ipsa persona vasalli, quia ordinata charitas à seipsa incipit. arg. l. 6. C. de servitut. & in generali persona loquentis excipitur. l. 29. § ult. π. de pign. & hypoth. l. 18. C. de solut. & l. 9. π. de pignor. & hypoth. & l. 9. π. de servitut. Gloss. ad d. c. fin. ibid. BALD. & ALVAROTT. BORCH. c. 7. n. 41. Unde etiam rectè dicitur: Vasallum non teneri vitam suam postponere vita Domini. Gloss. in §. si clientulas. de alien. feud. 1. F. 13. SPEC. de feud. §. quoniam FRECC. de sub feud. lib. 2. autor. 4. KIRCHOVIUS. in thes. comm. opin. lit. V.

§. XXXVI. Non autem hic excipitur pater vel filius. 2. F. 28. in fin. & 2. F. 55. § insuper. Disertè enim consuetudinibus feudalibus cavetur, vasallum etiam contra patrem vel filium teneri adjuvare dominum suum. per dd. text. quod etsi durum sit, & rationi naturali contrarium videatur, servandum tamen esse, cum Lex consuetudinis ita scripta sit, dicit ZASIUS. in epit. suâ feud. p. 7. n. 28. Verum ali hoc è grè concedunt, quapropter d. text. cum Cujacio

C 3 lib.



lib. 4. feud. c. 31. corrigunt, ac verba illa. *Et patrem ab antiquo Codice abesse, ac proinde delenda monent. Alii autem cum BALDO in c. 1. de nov. form. fidej. & HOTTO MANNO, ad d. c. domino. variis modis distinguunt. Vid. Dn. LUV VELL. Synops. feud. c. 14 p. m 369. VULTE JUS lib. 1. c. 10 n. 43. HENR. ARNISÆUS. de sur. Majes. lib. 1. c. s. &c. Verum enim vero cum allegatus Textus. 2. F. 28. fin. hoc expressè innuat, ab eo quidem haud facilè recedendum. JACOB. de BELLOV. ad d. c. fin. ibid. BALDUS. n. 1. Sed tamen non ita crudè prout sonat, verum civiliter eum accipiendum esse credimus; de auxilio scil. præstando domino, non qui alium offendit, sed qui ipse offenditur, & quidem offenditur injustè à patre vel filio aut fratre vasalli. Neque hoc enim casu Reverentia quam filius debet Patri, vel amor quem Pater debet filio, hic obstat potest, quod minùs datam fidem servet vasallus, ac Dominum adjuvet contra quosvis injustè aggredientes. Vid. VULTE J. lib. 1. de feud. c. 10. n. 43. fin. Dn. STRUVE. Syntag. feud. c. 12. aph. 8. Modò tamen vasallus in hâc ipsâ defensione domini contra parentem, quantum fieri potest, amorem ac pietatem debitam observet: quod fieri optimè poterit, si tale auxilium contra parentem in propriâ personâ haud præstet, quoniam solvendo dimidium reddituum unius anni de feudo filius servitia contra patrem præstanta luere seque liberare potest. 2. F. 55. §. firmiter. add. KOHLIUS. p. 3. n. 5. seqq. & n. 25. quod tamen singulare.*

§. XXXVII. Regulariter enim auxilium dominio vasallus in propriâ personâ præstare tenetur. 2. F. 23. in fin. & 2. F. 55. §. firmiter. quia ipsius vasalli fides & industria electa esse censetur. arg. c. in epistolâ. de form. fidel. §. est & alia. 2. F. 7. atque sic consideranda nobis hîc venit Hosten- ditiarum tum materia, cum forma.

§. XXXVIII.



§.XXXVIII. Materia est Actus comitandi, seu actua-
lis Itio cum domino in expeditionem; Procerum enim
& Vasallorum Imperii omnis Ordinis officium, & servi-
tium Imperatori debitum, vel primūm hoc erat, ut Re-
gem Romanorum ab Electoribus creatum, & solenni ri-
tu Romæ in Augustum consecrandum & coronandum,
honoris & Majestatis ergo illuc comitarentur; de quā
profectione multa in ipsis Feudorum libris mentio ex-
tat: quam Lotharius Imperator. lib.2.Feud. tit.52. de pro-
hib. feud. alien per Lothar. felicissimam nostram numinis ex-
peditionem, & Fridericus d.lib.2.feud. tit.50. Quæ sint Re-
galiae. felicissimam regalis numinis expeditionem vocant,
imitatione Theodosii & Valentiniani Imp. in Iubemus.
10.l.Neminem 2.C.de SS.Eccles.Ut autem Cæsarem Princi-
pes & Proceres, pro nexu suo, quo Imperio tenentur, co-
mitari debebant, majori aut minori numero & apparatu,
pro principatum & feudorum suorum ratione; ita ipsi
rursus clientes & beneficiarios suos in profectionem
hanc comites & asseclas trahebant, simili proportione
beneficiariorum facultatumque habita: Atque hæc actua-
lis Itio cum domino tam necessaria erat, ut quis, eâ negle-
ctâ, feudum amitteret. Id quod nobis clarè ostendit Con-
stitut. Imp. Karoli III. dicti Crassi. de Exp. Rom. his verbis:
*Cuicunq; autem secundum hanc Legem eadem Expeditio in-
peretur, si ad Curiam Gallorum, hoc est, in campum qui vulgo
Rungalle dicitur, Dominum suum non comitetur, & ibi
cum militari apparatu non representetur, feudo (preter
hos, qui cum gratiâ Dominorum suorum remanserunt) in
conspicuum nostro absq; spe recuperationis privetur.*

§. XXXIX. Forma hujus actualis Itionis in Expedi-
tionem cum Domino, in d. Conf. Karolina. exprimitur
per verba: Halsbergas ducere: Quæ Vox diu multumque

ex-



exercuit Clariss. Virum Dn. MARQU. FREHERUM. ut potè
quam nec legisse, vel audivisse, nec doctissimis amicorum
consultis discere potuisse scribit in suo erudito com-
mentario ad hanc *Constit. Karoli 2. dicti Crassi de Exp.*
Rom. Donec tandem deprehenderit, *Halspergam*, priscè
& propriè esse thoracem vel loricam, sive ex laminis
compactam, sive ex annulis orbiculisq; contextam, quam
Franco-Galli adhuc *Haubert-Hauberge- & Haubergeon* ap-
pellant: Undè Vetus proverbium illorum: *De maille à
maille on fait le haubergeon.* Est autem Vox vetus Francica
Germanica, usū quidem desita, sed quæ in libro veterū
cationum, *Heldenbuch.* inscripto, frequenter legitur,
part. 1. 2. & 3. Et ne ἔτυπον etiam nesciamus, sic dicta, quasi
monumentum Colli, quæ collum tegat (id enim est *ber-
gen*, quā formā Saxones dicunt, *se sind geborgen*. servati
sunt ē periculo. Eādem compositione, quā galeam idem
ævum Haubtach dixit; quod tecti instar sit vertici. Hals-
pergas igitur tot ducere, tot est cataphractos & loricatos
ducere, in quibus splendor & robur totius agminis præ-
cipuum. *Livius. lib. XXXVII.* *Hic tria millia peditum lorica-
torum (cataphractos ipsi appellant) adjunxit.* Historia Mi-
scella. lib. XXXI. Usq; ad viginti scaphas remanserunt, ha-
bentes centenos loricatos ad bas cūfodiendas. Et lib. 20.
*Misit tria millia loricatorum ad circumdandum eum ne fu-
geret.* Hinc Feudum Loricæ, ap. Siegerbertum GEBLA-
CENSEM. An. 1560. de Expeditione Henrici Regis Anglorum.
Quod militi assignatur cā lege, ut ad Edictum præstō sit
in armis loricatus sive cataphractus. Quod Feudum
Hauberticum *Fief de haubert*, Franci & Normanni etiam-
nū vocant, ut legimus Consuetud. Normand. c. 85. *Celuy
qui tient sief de haubert, doit deservir son sief par pleines
armes, par le cheval, par le haubert, par l'escu, par l'espée,
par le beaulme.*

§. XL.



§. XL. Atque sic etiam in Expeditione Romanâ hanc Operam in armis loricati sive cataphracti Vasalli quivis præstare debebant, nonnunquam tamen pecuniâ Eandem redimere ipsis permittebatur sed ita: ut ii vasalli, qui cum gratia & bona voluntate Dominorum suorum domi remanserunt, ad legendos alendosque Eorum loco alias milites promissa stipendia ritè exsolvant. Vid. Frid. à SANDE comm. in *Consuet. Geldr. feud. tract. 2. tit. 1. §. 2. n. 13.* atque hoc casu nomine Hostenditiarum venit pecuniæ pro Opera præstatio.

§. XLI. Ethuc pertinet, quod ait Feudista *Hoffendi-tias* esse adjutorium, quod vasalli domino præstant, si cum eis non vadunt, in Lombardiâ nempe de modio 12. denarios. In Teutonicâ Terrâ tertiam partem fructuum, facti computatione fructuum solummodo ejus anni, quô hostem faciunt: Id quod Saxonibus *Heersteur/Rei-segelt* dicitur. LehnR. c. 46. SCHNEIDEV. p. 5. de *feud. n. 96.* prout ergo fructus in eo anno deprehenduntur ita etiam restituendi erunt, nec meliores, nec deteriores, non plures, neque tamen pauciores; Sed dicta pars Tertia: Hinc Ea feudo vel aucto vel imminuto, augeri aut imminui nullo modo potest nimirū quia definita atq; determinata est Quantitas; nisi, vel summa aliqua emergens necessitas aliud suadeat, aut etiam Feudistarum distinctiones inter augmentum & decrementum quod sit naturaliter, vel facto domini, vel vasalli, aliquando aliud velint. Vid. KOHL. tract. de *fend. p. 4. n. 177.* Magnif. Dn. D. STRUVE, S. F. c. XI. th. V. com.

§. XLII. Ut autem olim in Teutonicâ Terrâ tertia pars fructuum fuit determinata; Sic ex Constitutione Friderici Imp. dimidia saltē fructuum ac redditū illius anni, quô indicta est *Expeditio, persolvenda constituta*

D est:



est: Ut ex communi Feudistarum Consensu & dicta Con-
stit. Imp. Friderici de prohib. feud. alien. 2. f. 55. c. firmiter
colligilicet: Mirè etenim in hōc variatum fuit, namque
in Imp. Karoli III. dicti Crassi Constit. de Exped. Rom. th. 6.
Totus fructus illius anni exposcitur: Et vetus quidam
Auctor de Beneficiis c. 13. ita scribit; Ibunt illāc & alii, o-
mnes Imperialia beneficia habentes, quisq. cum domi-
no suo, nisi talento decimo iter redimat, quod annuatim
à Domino suo habuerat. Cum quā maximē convenit
Jus Feudale Saxonicum eundem in modum hanc ipsam
quantitatē ita determinans: Der Mann ist mit dem
Herren zu ziehen schuldig/ oder muß die Farth lōsen/
mit dem gehenden Pfund des Zinges/ den er jährlichen
von ihm hat. Sächsisch. LehnR. c. 4. conf. SCHNEIDE-
VVIN. part. 5. defeud. n. 114.

§. XLIII. Ethanc quoque in rem superiori aeo Vi-
res totius Imperii aestimatae, & certa quantitas cuilibet
statui assignata fuit. Recessus Imperii de Ann. 1521. §. auch
haben uns Chur Fürsten. & Reichs Abschied zu
Nürnberg. Ann. 1522. pr. ita, ut Comitatu illo Romano
ad 20000. peditum & 4000. equitum ad 6. Menses consti-
tuto unicuique statuum Imperii juxta conditionem bo-
norum suorum certus numerus peditum, & equitum,
quem mittere, aut pro unoquoque equite 12 florenos &
pro singulo pedite 4. flor. solvere teneretur, definitus fue-
rit. Vid. LIMNAEI Jus Publ. lib. 2. c. 4 & lib. 4. c. 7. junct.
add. d. ubi insimul schema quoddam istiusmodi unicui-
que Statuum Ordini assignatae quantitatis exhibet.

§. XLIV. Adeò, ut nec Ecclesiārum filii, sive Ec-
clesiæ ab hoc Expeditionis onere immunes fuerint, ex
quā enim tempore Ecclesiæ bonis, latifundiis, prædiis,
reditibus auctæ fuerant; ex eodem etiam beneficiarios
suos



suos sibi libellis precariis, feudis acquisiverunt; & milites, fideles, ministeriales advocatos suos habuerunt: Unde pro hac ipsa regia Expeditione peragendâ certum numerum militum, id est, nobilium vasallorum sibi assignatum sustentare necesse habebant; ut præter historias ex §. V. dicta Conſtit. Karoline de Exp. Rom. & alius Imp. Constitutionibus notum eſt: 2. F. 52. & 2. F. 55. §. firmiter. junct. l. 2. C. de quib. muner. & l. 10. 11. C. de SS. Eccles. quas egregiè, ut omnia, explicat Magnificus Dr. D. STRAUCH. Antecessor in hac Inclitâ Salanâ primarius, Doct̄or & Patronus meus eterno mentis cultu p̄è prosequendus in MSS. commentariò ad has Cod. LL.

§. XLV. Quinimò nec Regiæ domus, Expeditionis tempore ab Angariis & parangariis excusantur. l. 21. C. de cursu publico. Causa enim hac summè est necessaria, ideoque Nemo ab eā excusatur. l. un. C. ut nemini. lic. in empt.

§. XLVI. Finis etiam Hostendoriarum hoc requirit, isquē duplex. Unus, splendor & Majestas tanti Exercitus, ut potè qui 20000. peditum, & 4000 equitum constabat, quorumq; non minima pars Loricatorum erat, in quibus singularis splendor & Majestas deprehendebatur: Haud sanè immeritò; Imperatorm enim Majestatem in tam arduo Imperii negocio pro sumendâ scil. & obtinenda Coronâ Romanâ omnino armis armatam atque decoratam esse decet, ac proin omnium & singulorum qui feuda Imperii tenent, primum officium esse debet, ut Imperatorem Romanum ad petendam Coronam prefecturum cum istiusmodi splendido militari apparatu comitentur; quemadmodum alijs etiam vasalli tenentur de servitio præstanto in honorem domini splendidioris apparatus causâ, in Ehrenfällen, ut testatur KOHL. de serv. fendl.



feud. p. 4. n. 99. alter, periculorum & insidiarum in quas isto in Itinere Impp. incidere possunt, aversio. Variis etenim gravissimisq; periculis & insidiis plurimos Impp. tūm temporis obnoxios fuisse; exempla Lotharii III. & Friderici I. nobis clarè ostendunt; quapropter ab hōc auxilio Imperatori Expeditionis tempore præstanto Nemo immunis erit, quia de Salute Principis agitur; Omnis igitur Vasallus, qui indicā publicā Expeditione vocatus à Domino suo, in eadem Expeditione spacio competenti temerē venire supersederit; vel alium pro se Domino acceptabilem mittere contemperit, vel dimidium redditū feudi unius anni domino non subministraverit feendum quod ab Episcopo vel alio Domino habuie, amittat; & dominus fendi in usus suos illud redigendi modis omnibus habeat facultatem. dictā Constat. Friderici de prohibit. feud. alien. expressè cavetur. 2. F. 55. §. firmiter.

§ XLVII. Feudum E amittit, quomodo autem id fiat, non satis liquet. *Judicio Curia privat, ut Guntherus innuit: condemnatur: ait Otto Frisingensis; quæ verborum discrepantia congruam nobis excutiendæ illius vexatissimæ inter Feudistas Controversiæ Occasionem & ansam præbet. Quando nimurum in Vasallum fertur Sententia Condemnatoria. Wenn Er des Lehns verlustig erkant wird. 1. F. 21. & 22. S. 2. An scil. hæc Condemnatoria Sententia, sit privatoria, an saltem declaratoria, (differunt enim invicem, quod illa ex nunc operetur in futurum, hæc autem in præteritum. Illa dejicit, hæc cecidisse declaret Vasallum) sive, an feudo demum per Sententiam privatetur an verò ipso jure propter feloniam id amittat Vasallus, & solùm insequatur Sententia, quæ declaretur ipsum quippe à Domino convictum culpæ, feudo privatum esse, vel etiam ut clarius dicam, an dominium utile ipso jure ad Dominum ob com-*
mis-



missam feloniam revertatur, an verò per Sententiam Vafallo adimatur demum utile Dominium. Quod postremum his innixi rationibus liberè asserimus. I. Quod nullibi in jure feudali dicatur, ipso jure dominium utile ob feloniam ad dominum reverti. II. Quod concedatur domino. t. F. 21 condicō causā datā, causā nō securā, quā actione personali quis petit sibi restitui rem cuius dominium est apud alterum. d. t. de condicō caus. dat. caus. non secutā. add. l. ult. π. usufr. quemadmodum caveat. III. Quod conveniat hæc feudi ex ingratitudine repetitio cum revocatione donationis. 2. F. 24 §. 2 quā ob ingratitudinem commissam non ipso jure fit, sed per actionem & sententiam l. fin. C. de revoc. donat. IV. Quod nec perduellium bona ipsō jure publicentur, sed usque dum damnati fuerint, dominia rerum suarum retineant l. 15. qui ē à quibus. man. lib. non fiant. Conf. ANTON. MATTHÆI. d. tract. lib. 48. tit. 2. c. 3. Neque etiam V. ex aliis delictis quis ante patiatur pœnam, quām per sententiam condemnatus fuerit. MARTIN. BONACIN. tract. moral. de Contract. disp. 3. quæst. 8. Privatoria igitur hæc est Sententia, non autem declaratoria faltem, sive quod idem est, dominio utili per Sententiam demum, & non ante, privatur Vasallus. Vid. Ampliss. Dn. D. STRUVE. S. F. cap. 15. de amiss. feud. th. XI. comm. ROSENTHAL. c. 10. conclus. 41. CLARIUS. in S. feudum. quæst. 62. RITTERSHUS. part. feud. lib. 2. c. 6. quæst. 15.

§.XLVIII. Atque hæc Feudi privatio poena est Vasali, quando scil hanc militarem Operam Domino nec ipse nec per substitutum præstare vult, aut etiam dimidio redditus anni Eandem redimere detrectat; E contrâ verò præstata hujus operæ tantus est favor, ut etiam feudum aliquib⁹ eapropter adimi nequeat; Constat enim, omne id quod Vasalli de suis feudis in Valvasinos (quos vocant) D. 3. s. 1.

gratuitō conferunt, feudi jus ac vim non habere, sed pre-
carii simplicis instar esse & absque illorum culpā à dante
ad lubitum revocari posse. *i. F. 16. de F. dat. minim. valvas*
Nisi (qua exceptio hunc ad locum pertinet.) hi Valvasini
suos illos seniores in hāc Expeditione & exercitu Roma-
no comitati sint. i. Feud. tit. i. fin. & tit. 7. de natura
feud.

§. XLIX. Origo autem hujus Expeditionis Romanae (*Römerzugs*) inde à Carolo M. deducitur: cum enim Carolus M. Rex Francorum & Longobardorum, eligeretur ac constitueretur Imperator Romanus, atque à Pontifice ipsis feriis natalitiis An. cl. ccc. preciosissimā coronā coronaretur, quā de re Vid. HENN. ARNISÆUS. *de translatione Imperii. & Dn. CONRINGIUS. de Germ. Imp. Rom. §. 7. & seqq.* Ritus quoque ille solennis Coronationis in seqq. Romanis Impp. est observatus, indeq; factum, ut Vasallū Regni horumque subvasalli creatum à Germanis Regem, atque ita simul ab ipsis electum Regem & Imperatorem Romanum tenerentur ad suscipiendam Imperii Romani Coronam, & solennem Consecrationem Romam comitari; quā de re extat Vetus Constitutio Imp. Caroli III. dicti Crassi, quam edidit & commentario illustravit Marq. FREHERUS, eamque exhibet GOLDAST. *in Constit. Imper. vol. 1. p. 28. LEHMANN. Chron. Spir. Lib. 2. c. 42. in fin.*

§. L. Quæ Constitutio, An sit genuina? magna adhuc inter magni nominis Viros dubitatio est. Clarissimus equidem JCTUS FREHERUS. *in comm. suo add. Constit.* Eam pro genuina habet, atque dictum Imp. Karolum III. Ejus verum Auctorem esse contendit, eō quod Nomen Luitvvardi, dicti Regis Cancellarii, Constitutioni huic Carolinæ sit subscriptum; Cūm illud nec in Magni. nec Calvi



Calvi actis reperiatur sed in hujus Karoli III. diplomatis
exprimatur; ac proin quia hoc Luitvardi Nomen in hac
de qua loquimur, Constitutione reperitur, non sine ra-
tione existimat FREHERUS, hunc Eum ipsum esse Luitvardum
qui sub Karolo Crasso vixerat. Verum enim vero haec
Assertio non admodum firmo stat tali; quia facilè fit, ut
plures diverso tempore ac loco idem Nomen habeant;
nihil enim certi hic demonstrari potest. Vid. o maxv Magn.
Dn. JOH. HENR. BÖCLERUS. Argentor. Acad. Historiar. Prof.
inclytus, Doctor olim meus exoptatissimus summus Animi
Reverentia submisæ & obseruantæ atatem colendus ac su-
spiciendus in Noitiatâ S. R. Imp. MSS. cap. 2. de Exped. Rom.
Ceterum & Chronologia discrepat, quod ipse etiam FRE-
HERUS fatetur, asserens, quod hoc ipso anno DCCXXXC.
Imp. Carolus M. conventum Ordinum celebraverit Wormatiz
non verò Crassus; cum tamen Karolo M. haec Con-
stitutio nullo modo adscribi possit. Lapsum E. esse in-
quit, Scriptorum in numeris eumque non insolitum; &
rescribendum necessario DCCC.XXI. vel seq. ann. Quod
ut levius, non tamen omnem admittit scrupulum, præser-
tim cum plura in ipsâ etiam Constitutione occurrant,
quaë Amplissimis Viris BÖCLERO & CONRINGIO dictæ Con-
stitutionis Authorem suspectum reddant; Cujusmodi est
illud statim ab initio: *Rex Romanorum*, quo titulo certè
nemo tūm temporis audiit, nisi jas Imperator coronatus
V. iterum Dn. CONRINGIUS in tr. de Orig. Jur. Germ. c. 17.
Principum quoque Secularium & Ecclesiasticorum vo-
ces illis temporibus fuere inusitatæ. Neque etiam re-
perire licet vel leve indicium Conventus jam tūm insti-
tuti in Italiâ ad Curiam Gallorum, sive Rungallium cuius
hic ut rei usitata fit mentio. Ac denique nec stilus con-
formis est illi avo nec feudi Vox ejus est temporis, unde
WELSERUS ipse fatetur in Epistola MSS. ad FREHERUM. Quo-
niam



niam aliquando subdubitare visus es, an feudorum nomen
in veteris tabulis ante Fridericos extaret, duo nunc apo-
grapha mitto qua illum scrupulum hactenus eximant.
Carolinam tamen antiquitatem Constitutionis à Te edita
non artigunt.

§.LI. Quid ergò hac de re sit statuendū, nondum sa-
tis liquet, nīl, quod cum Magnif. Dn. D. CONRINGIO asse-
rere velimus, hanc Constitutionem fictam esse, idque for-
tē Seculo XII. in regulam Expeditionum Romanarum,
quæ tūm temporis illis penè Legibus fuere institutæ,
ceu patet ex historiâ Friderici primi Cæsarî, tum ap. Ot-
ton. FRISINGENSEM, cùm in GUNTHERI Ligarino. Ita enim
Otto Lib. 2.c.12. Inde castra movens. (scil. Fridericus I. Imp.)
in campo Roncalia super padum, non longè à placentia, men-
se Novembri resedit. Est enim Consuetudinis Regum Fran-
corum quæ & Teutonicorum, ut quotiescunq; ad sumen-
dam Romanî Imperii Coronam, militem ad transalpizan-
dum coegerint, in predicto campo mansionem faciant. Ibi
ligno in altum porrecto scutum suspenditur, universorumq;
equitum agmen fenda habentium ad excubias proximâ no-
cte principi faciendas, per Curia præconem exposcitur: quod
sestantes, qui in ejus comitatu fuerant, singuli singulos be-
neficiatos suos per præcones exposcunt. At sequenti die
quicunq; nocturnis vigiliis desuisse deprehensus fuerat de-
nuò ad præsentiam Regis, aliorumq; principum vel Virorum
Illustrium evocatur, sūq; omnes omnium beneficiati, qui sine
bonâ Voluntate Dominorum suorum domi remanserunt, in
feudis condemnantur: Hunc morem Principe secuto, non
solum Laicorum feuda, sed & quorundam Episcoporum, i.e.
Hartwicij Bremensis, & Ulrici Halberstatensis regalia
personis tantum, quia nec personis, sed Ecclesiis perpetualiter
à Principibus tradita sunt, adjudicata fuere.

§.LII.

§. LII. Licet autem hæc Expeditio Romana diu multumque duraverit, atque etiam hodiè Electi Impp. soleant in Capitulatione Electoribus promittere se operam datus, quod Coronâ quoque Imperatoriâ coronentur: Aliquot tamen novissimi Imperatores illam Coronationem, utpotè Imperio gravem ac superfluam omiserunt. Unde non immerito quæritur, an jure hoc facere potuerint; sive, quod idem est, An Imperator teneatur Romam petendæ Coronæ causa Expeditionem facere? Quod cùm Juris Publici Scriptores diversimodè inter se dilputarint, ansam id nobis dedit Eorum hâc de re Opinions pro virili paululum referre atque excutere.

§. LIII. Celebris equidem Arnisæus (*de subjectione & exemptione Clericorum cap. 7. ubi de translatione Imperii Romani agit n. 29. p. 190.*) fuit, ait, qui negant Imperatorem ullo modo ad petendam Coronam cogi posse; quia id nullâ Lege statutum, vel consuetudine inductum fuit. I. Legē quod attinet, planum est, Imperatorijā non dari, sed potius contrarium decretum esse à Ludovico Bayro; & si aliqua esset, non valeret, cùm ne juramentum quidem valeat, quod dignitatem Imperatoris diminuit. (*c. intellecto de jurejur.*) Si verò Lex pontifícia producatur, eam constat non obligare, nisi quatenus approbetur, cùm jurisdictiones sint distinctæ. Sed necnulla produci potest, quia Clementina Romani. *de jurejur. c. venerabilem. de electione. can. in Nomine Domini. distinct. 23.* Imperatorem non adstringunt ad petendam Coronam, sed Pontificis jus esse contendunt, ungere, consecrare, nominare, approbare Imperatorem electum, si eò petitum veniat. II. Quod ad Consuetudinem attinet. licet d. Clementina Romani, producat exemplum Alberti & Henrici, qui Consecrationem à papâ petierint, tamen quod per favorem,

E aut



aut ex certâ causa fecerunt aliis non debet creare præjudicium c. quod ob gratiam de R. I. in 6. cum concord. In Actibus enim Voluntariis, & meræ facultatis, nulla præscriptio vel cōsuetudo induci potest. per l. viam. π. de via publ. III. Præterea cùm satis clarum sit, Actum creandi Imperatoris absolvi in solâ Electione, patet supervenientem Coronationem, nihil aliud esse quam solennitatem. Atqui Imperator ab iis, quæ solennitatis sunt, Legibus absolvitur (*ut Dd. interpretantur L. Princeps. π. de LL. l. digna vox. C. eod. l. ex imperfectâ. 3. C. de Testam.*) Adeoque cum duplex sit Solennitas; Levis, quæ substantiam non immutat. l. π. de Exerc. act. Et gravis, constat illam à quâvis, hanc verò à solo principe omitti posse, urgenti evidentî necessitate. l. et si nibil. 183. π. de R. I. l. 85. fin. l. 90. de in integr. restitut. Unde etiam in hac ipsâ Solennitate multa immutata reperire licet. Huc usque Arnisæus.

§. LIV. Jam verò ad Ejusd. argumenta respondebimus. I. enim contra Eum faciunt omnes Capitulatum Articuli Illi, quibus Electus in Imperatorem se obligat ad Coronam Imperialem petendam & requirendam. Cogi E. qui hoc promisit, potest, si sponte promissa adimplere nolit. Lex enim Contractus servari debet, & quod prius ante promissionem voluntarium erat, post eam necessarium factum est. Cogi inquam potest, sed non à Pontifice, ut nonnullis visum, verum ab Electoribus, quibus promissio facta & Actio competit, ipsaque Executio ab Imperio fieri potest, non vero ab alio.

§. LV. Et hi dicti Capitulationum Articuli contrariantur quoque Arumæi Sententiae. *discurs. 2. ad A. B. th. 20. p. 109. afferentis*; Hanc Pontificiam Coronationem planè non esse necessariam, quia nullibi Eadem præcipiatur, neque etiam verbulo quidem in A. B. ejus fiat mentio. Verum



rūm enim verò, quam facile is refutari posset, nisi Ipse paulò post (ib. 21. p. 224.) sui immemor aliud innuere videretur. Clarum namque ac certum est, in A. B. non solum ex verborum consequentiā, sed etiam expressè Coronæ Imperialis fieri mentionem. (in exord. circ. fin. c. 2. §. 5. imprimis autem c. 26. §. 4. qui Textus probè notandus. Aliumque dici Regem Romanorum, alium Imperatorem. (d. c. 2. §. 7.) quod & phrasis, Rex Romanorum in Imperatorem promovendus, notat. (c. 1. pr. c. 18. pr.) vel in Cæsarem promovendus (d. c. 1. c. 18. 19. 21. c. 2. pr. §. 3. 3. c. 7. §. 1. c. 20. pr. vel Rex Romanorum futurus Imperator. c. 25. §. 5.) Et licet etiam in Aur. Bullâ mentio nulla fiat, cuius sit hanc Coronā Romanam Regi imponere, aliunde tamen satis notum est, hoc Pontificii esse muneris. Non enim ad propositum Caroli IV. faciebat, hoc ibi exprimere, non magis, quam quis Coronam Mediolanensem (cujus meminit d. c. 26. c. 4.) Romanorum Regi conferre debeat; Bulla namque potissimum de Electorum Jure, Officio, ac privilegiis agit, non de aliorum. Atque hæc contra Arumæum sufficient: quia propter revertantur ad reliqua Arnisæi argumenta.

§. LVI. Ludovici Bavari Decretum quod attinet, illud certè nos non ferit, non enim decernit, Imperatorem, si Electoribus promiserit Coronam Imperialem à Pontifice requirere, non teneri promissis stare; Sed hoc decidit, falsum esse, quod dicitur, Imperiale Dignitatem & Potestatem à Papâ esse, Electumque Imperatorem non esse verum Imperatorem nec Regem, nisi prius per Papam, sive Sedem Apostolicam, confirmetur, approbatur, & coronetur: Statuit autem quod is, qui eligitur in Imperatorem sive Regem, ab Electoribus Imperii concorditer vel majori parte Eorundem, statim ex solâ Electione sit Rex verus, & Imperator Romanorum censen-

E 2 dus



dus & nominandus, Eademque ab omnibus Imperii subjectis obediri debeat; ac administrandi jura Imperii, & cætera faciendi, quæ ad Imperatorem verum pertinent, plenariam habeat potestatem, nec Papæ, sive Sedis Apostolicæ, vel alicujus alterius approbatione, confirmatione, autoritate indigeat, vel consensu (*ut ipsa Decreti verba sonant.* ap. GOLDAST. *inter Constit. Imp. p. 99.*) Et ut brevibus dicam, quod res est; Constitutio Ludovici rejicit effectum, quem alii Coronationi, quæ à Pontifice fit, attribuunt, Coronationem autem ipsam fieri non prohibet. Posito etiam, non tamen concessso, Coronam illam prohibitā fuisse à Ludovico, vel ullo veterum Imp. alio, ejus sanè prohibitionis vis hodiè cessaret, postquam Imp. jurat, se omni diligentia Eam expediturū. Abrogare enim LL. & novas ferre; prohibere, quod antea concessum; concedere, quod antea prohibitum; novum inauditum in Imperio non est, nec ab ipsâ Justitiâ alienum.

§. LVII. Verum aliud hic diverticulum querit ARNISÆUS & putat, Coronam illam diminuere Dignitatem, Imp. Sed certè injurius est in ipsos SERENISS. Electores, quasi illi immemores officii & juramenti sui contrâ dignitatem Imperatoris & Imperii agant, & quidem ex prærefsi ac præmeditatione. Cùm tamen Corona illa, dignitatem Imp. non magis diminuat, quam corona Regalis, utraque Dignitatis adeptæ publicum testimonium, dignitatem honore ac reverentiâ coronans. Et, nisi Caroli V. Testimonium, ac publicas Imperii Tabulas rejicere volumus, credendum est, Coronam illam pro fine agnoscere Laudem divinam, Imperii honorem & emolumenatum, ita enim disertè exprimitur: *Gott zu förderst zu Lob, Dem H. Reich zu Ehr, und Wohlfarth, R. A.*

32



zu Worms. An. 1521. §. und alsivir. Denique ne puentemus, Electores Ecclesiasticos Pontifici hâc in parte nimium favere, perpendi debet, Electores Seculares, qui Pontificia Religioni haud addicti sunt, jam olim tempore Maximiliani II. Capitulationis articulo primo, & continuato hucusque more, expressè declarasse, se in negotiis, quæ Pontificiam Authoritatem, Dignitatem & emolumenntum tantum spectant, à cæteris Electoribus dissentire, nec velle Imp. ad ea obligare. Quod cum non in genere, sed specialiter & nominatim factum sit, nec tamen ad Coronationem Imperatoriam ab illis repetitum vel extensum, conjectu facillimum est, quid de eâ senserint, sentiantque.

§. LVIII. Jus Canonicum quod attinet, nolumus hîc illud examinare, An scil. Imperatorem adstringat ad petendam Coronam, nec ne? Satis enim notum est, illud omnem aquam in molendinum Papæ derivare, & totum ferè in eo occupatum esse, quo mundo persuadeat, à Papâ Reges & Principes descendere.

§. LIX. Ceterum quod concernit Arnisæi argumentum de actibus meræ facultatis, incongruum hîc esse videtur. Licet enim hæc Coronatio aliquando meræ facultatis fuerit, quod equidem ipsi concedimus, atque etiam ipsius Caroli M. exemplo clarè demonstramus. Cùm enim Carolo M. non petenti, sed à Pontifice sponte Corona Imperialis imposta fuit, tamen Carolus eam suscipiendo minimè Successores obligare nec potuit, nec voluit, eam in posterum ut illi peterent vel susciperent à Pontifice. Sed Filium Ludovicum Successorem in Imperio sibi assumens ac declarans, non Romam Coronandum misit; verum Author ipsi fuit, ut publicâ Solennitate Aquisgrani Coronam altari impositam propriis ele-

varet manibus, sibiique ipsimet imponeret. Quod factum exponit FAUCHET. en la fleur de la maison de Charlemagne, qui est de la continuation des antiquités françoises, au second volume livr. 2. chap. 16 fol. 167. b.) ubi addit: Icy faut noter, que Charlemagne declarant son fils Empereur n° attend point le Consentement du Pape, & des Romains, ni qu' autre que son fils touche à la Couronne Imperiale, pour la mettre sur son chef, non pas mèmes des Eveques; chose que ie n° estime avoir été faite par le vieil Empereur sans mystere, & pour montrer, qui ne tenoit L' Empire que de Dieu seul, puis qui l'envoye son fils la prendre sur L' autel, comme de la main de Dieu. Idem FAUCHET. (d. vol. 2. livr. 3. chap. 2. p. 186.) refert; Quod Papa Stephanus fecerit Romanos jurare fidelitatem Imperatori Ludovico absenti, & nondum ab ullo Papâ coronato. *Signum meherculè.* Ipsum quoque Papam Romanosque fassos esse, Imperatori etiam citra Coronationem Romanam dominium Urbis & Imperii competere. Verum enim verò licet hæc Coronatio aliquando mera facultatis fuerit, certum tamen est, Capitulationes hanc meram facultatem non admittere; unde nec ab exemplis Eorum, qui Coronam hanc vel suscepérunt, vel neglexerunt, argumentandum erit; Sed à Constitutione Imperii.

§.LX. Coronationem Solennitatem esse, euidem non infitemur, Sed Jus Civile Imperatorem ab hac Solennitate absolvere posse, expressè negamus; nisi dicere velimus, LL. atq; Constituta, ubi à jure illo antiquo divertunt, nullius esse momenti, vel Statū Imperii nostri ab antiqua Romanorū formā informari, aut *(quod tamen longè à nobis absit,) Germanos esse mancipia alienæ libidinis.* Et posito etiam, Legem Imperii solennib⁹ juris Imperatorē Romanum



num olim solvisse, (b. 3. C. de Testam.) exinde tamen nihil e-
vinci potest. Constat enim ex Capitulationibus Impera-
torem nostrum Solennitati Coronationis Imperatorię à
Lege Imperii esse alligatum. Ergo quæ olim potestas Ro-
manis fuit, suum Imperatorem Legibus solvere, Eadem
etiam hodiè Germanis est, Imperatorem suum ligare vel
solvare. Quod enim hodiè Imperator noster nonnullis
LL. solutus, nonnullis ligatus est non à Romanorum il-
lo jure derivatur, sed à Jure Germanorum, qui Imperato-
rem sibi eligunt, & Ei potestatem talem concedunt, quæ-
lem volunt. Itaque si Imperator noster, solutum se hāc vel
illā Lege asseverat, fristrà ad jus antiquum Romanum
provocabit contra Germanos, nisi in illis capitibus, in
quibus illud approbarunt, & ita suum effecerunt. Dixi-
mus autem *limitate* Imperatorem ab hāc solennitate *de*
Jure Civili absolvī non posse; potest tamen ab Electori-
bus ab Eādem absolvī, utpote quorum solum est, ab iis
quæ in Capitulatione Ipsiſ promisit, Eundem absolvere
ac liberare.

§. LXI. Denique multa quoque in hāc solennitate
esse immutata docet urgetque Arniſaeus, sed nostra inde
non convellitur Sententia; non enim sequitur: Aliqua
in hāc vel illa solennitate sunt immutata. E. & ipsa Solen-
nitatis mutari, totaque negligi potest. Quandoquidem
etiam (*quod notari velim*) postquam in Capitulationem
electi Imperatoris semel relatum, coronā Imperatoriam
expetendam & suscipiendam, nihil in hoc à Caroli V. æta-
te usque ad hanc nostrā, mutatum reperire liceat.
Quod enim de materiā trium Coronarum adducitur, fo-
mentum certè est, quilibet enim Coronarum harū statim
ab initio aurea fuit, & aurea etiam permanuit, neque insu-
per vel in Ordine vel materiā quicquam immutatum.
fuit.

§. LXII.



§. LXII. Examinatis itaque cum Arnisæi, tūm Aru-
mæi Sententiis, quæ nostra hāc de re sit Opinio, necesse
est, ut innuamus. Concludimus Ergò ex relatis atque de-
cernimus cùm Limnæo *Jur. Publ.* 2. 4. 107. Imperatorem
hanc Coronationem Imperialem vi Capitulationis ab E-
lectoribus ipsi præscripta omittere nullo modo posse;
Sed potius omnem debere adhibere diligentiam, ut Co-
ronam Imperialem consequatur: *Zum besten befleissi-
gen / die Kayserliche Cron zu empfangen.* (*per Aritic.
XXX. Capit. Caroli V.*) Nisi, ut suprà monuimus, Electorum
Consensu ac Voluntate id fiat: In Eorum enim & non
Pontificis potestate situm est: An velint Imperatorem
ab hoc requisitionis Coronæ Imperialis onere absolvere,
& quod sibi promissum remittere. *arg. l. f. sunus. 27. §. pa.
Etum. 2. π. de Paōtis.*

§. LXIII. Quid autem dicemus de illis, qui in Capi-
tulationem quidem jurarunt, Coronam tamèn Imperia-
lem consecuti non sunt? Sanè, si Eam studiosè ambive-
runt, & per illos non stetit quo minus Eandem assecuti
fuerint, jure excusatos Eos habemus. Varia namq; hic
nonnunquam se se offerunt Obstacula & impedimenta
rum ex parte Pontificum, cùm Impp. atque aliquando vel
vera sunt, vel ficta.

§. LXIV. Ex parte Pontificum deprehendere licet,
quòd, quamvis olim ii cum erat res angusta domi, Impp.
ad suscipiendam Coronam vel Ipsi invitarint, vel veni-
entes amicabiliter suscepint, postmodum verò auctâ
illorum potentia, præsentiam impp. cane pejus & angue
aversati sunt, quoniam Syrma viginti quatuor millium
militum (hoc enim numero Imperatoris Exercitus con-
stare debet) oderunt, & cum illis cæteri omnes qui ma-
læ fidei possessores rerum Imperii in Italia sunt.

§. LXV.



§. LXV. Ex parte verò Imp. tām generalēs; quām
speciales eāque vel probæ, vel reprobæ perquām multæ,
Rationes allegari possent, quod hanc Coronationem vel
insuper habuerint, vel planè ad Eandem non pervene-
rint, aut ut mitius loquar, pervenire haud potuerint, ex-
clusi nonnunquam vel ipsā Temporum injuriā, vel belli-
cīs ac aliis negociis impediti; sive denique variis incom-
modis & periculis in isto Itinere forsan sustinendis deter-
riti. Id quod nobis ostendunt quam plurima plurimorum
Imp. Exempla. Nimirum: Ludovici IV. & Conradi I.
(de quibus vid. *Lud. Molina. de just. & jur. disp. 24. vers. cœ-
terum.*) Henrici I. cogn. Aucupis. (v. *Abb. Ursberg. & Ch-
spin. in Epis. Vitâ.*) Conradi Suevi Cæsaris. (v. *Beuttherus
in addit. his. Limn. c. 13. n. 20.*) imprimis autem Rudolphi
ac Maximiliani exempla hic omnem rem facere viden-
tur. Nam Rudolphus I. cum Principes Germaniæ Eum
in Cæsarem elegerunt, Eundem insimul obligarunt, ut
intra annum in Italiam diadematis causa se profecturum
profiteretur, totis quibus imperavit annis, semper novas
Occupationes publicè causatus, nunquam Italiam ingre-
di voluit, ab Amicis interim rogatus, quamobrem ab Ita-
liâ deterretur, non dissimulanter respondit, quod Cæ-
sarum in Italiam vestigia lata, magnifica, plenaque Bona
fidei videret, ex Italia verò referentia & foras versa, tri-
stia, misera, luctuosa. V. Matenes. (*tom. 3. his. Eccles. lib.
13. n. 200.*) Conf. CUSPINIAN. *in vitâ Rudolphi. p. 303. seqq.*
Maximil. I. quod attinet, Majestatem Imperii Ipsis Ordini-
bus inesse, ideoque hāc Coronā Imperatorem haud indi-
gere, dicere solitum fuisse tradit equidem BODINUS *de Re-
publicâ. lib. I. c. 9. p. 191.* Verū enim verò si Ipsi Maximilia-
no fidem non denegamus, res clara est, Eum à Rege Gal-
lia fuisse impeditum, quō minus hanc Coronam accipe-
ret

F

ret



ret, ita enim legimus: In seiner Verantwortung uff
die Klag des Königs in Frankr. *An. 1507.ap.* GOLDAST in
Politischen Reichshändlen, p. 276. Er seye von dem König
in Frankreich verhindert worden / damit Er die
Kaiserliche Krone nicht empfangen mögen. Et hoc
quoque Hartmannus Maurus affirmat (*in descriptione Coro-
nationis Caroli V.*) Eandem neglexisse Ferdinandum I.,
Maximilianum II., Rudolphum II. & Matthiam tradit
REINKING. de regim. s. c. lib. 1. class 3. c. 8. n. 20. quod sanè du-
riusculum aliquo modo videtur. Scimus equidem Illos,
juxtaque Ferdinandos II. & III. Coronā Romanā non fuisse
coronatos, sed Eam illos neglexisse, quam tamen assu-
mere Capitulatione promiserant, salvā ipsorum reverentia
affirmari vix potest. Fortassis Pontifex Eam illis aliā in-
tentione & cum Onere dare voluit, quam Illi accipere, &
quod subire Majestas Imperii non permittit; vel etiam
variis & circa ipsorum culpam incidentibus negotiis im-
pediti Eandem omiserunt, ut suprà ostendimus.

§. LXVI. Aut denique in Eādem petendā diutius
cunctati sunt, dubii forsitan: An Operae & Expensarum
precium hāc Coronā consequantur? Certè non sine Ra-
tione. Nam si dicendum quod res est, deprehendere licet,
Nomen & Ipsam Coronam si exceperis, parūm, aut nihil
amplius ad Coronatum transire. Olim equidem nondum
satis callida Vetustas à Pontifice aliquando sibi persuaderi
passa est Electione Regem Romanorum fieri, Corona-
tione Romanum Imperatorem, cuius rei hinc inde varia
sunt testimonia, atq; etiam in Ipsā Caroli IV. A. B. cap. 2. §.
6. cap. 26. §. 4. Verūm enim verò satis constat, omnem Co-
ronationem esse saltem accidens, nec de essentiā Impera-
toris, eamque adhiberi, non ut aliquid novi juris Elesto
conferat, sed ut ille publicē ac solenniter pro tali decla-
retur,



retur, quod verò Solā Electione fiat Imperator, patet ex A.B.tit.2. §.5. ibi: peractā statim Electione. Ipsam autem Coronam Imperatoribus Amuleti instar esse, ac contra quosvis morbos ac tragicos casus, Legatus aliquis Pontificius in Coronatione Friderici Regis Romanorum An. 1451 itidem Nobis persuadere conatus est, inquiens: *Ex Germanis Cæsaribus qui per manus primi Pastoris inuncti Romæ coronati sunt, nullum comperimus violentiā morte periisse, nisi ex Italīs & Græcis Impp. quām plurimi.* Sed hæc veritati contrariari, mors Ottonis II qui telo fauciatus decessit, Ottonis III. qui veneno necatus. Friderici II. qui itidem veneno absumptus, aliorumque tragica exempla demonstrant. Cum itaque præter Nomen & Coronam ipsam nihil amplius Impp. hæc Coronatione consequantur, mirum non est, quod Eandem non ita studiosè ambiverint.

§. LXVII. Hinc sanè fit, quod, nisi diversi diversarum Capitulationum articuli, qui hanc ipsam Coronationem fieri debere præcipiunt; non quidem ob præceptum ac finem à pontifice positum, sed propter monitum Electorum, & finem jam olim credulitate receptum, obstarent, quām plurimæ, eaque gravissimæ haud deessent rationes, quibus hanc Coronam omittendam esse fraudere possemus; una est Absentia Cæsaris, quæ non raro, dum Iter in Italiā vel Romam versus suscepit, aliis occasionem præbuit, motus in Germaniā suscitare. Altera est, Iter institutum, Locusque Cæsaribus sæpius exitialis. quod imp. Arnulphi, OTTONIS II. & III. HENRICI IV. HENRICI VII. horrendis exemplis ex Mutii chron. Germ. lib. 12. & 14. ostendi posset, nisi silentio hæc talia involvere consultius foret. Tertia autem causa sunt duræ minusque decoræ conditiones, quæ coronandis nonnunquam præscriptæ fuerunt,

runt, quales sunt, ut ab acceptis insignibus statim Italiam
discederent. Quod certè nil aliud est, quam Principem
Romanum, publicæ Libertatis Authorem Libertate pri-
vare. V. KRIANDER. Aug. Trevir. annal. part. 14. p. 110. Quar-
ta Ratio esse videtur Pontiff. præsumpta ac falsa Opinio,
dum sibi persuadent hanc Coronationem argumentum
& notam esse sua in Imp. Superioritatis ac potentia,
quoniam Nomen Imperatoris & Augusti hæc Coronatio-
ne iis conferant, quod licet sèpissimè refutatum, consul-
tius tamen esset, omnem hæc Eis jactandi vanitatem adi-
mere. Quinta Ratio seu Cauia videntur magnæ Impensæ
ad hanc Coronationem necessaria, quanta enim dona
Ecclesiae Romanæ, Praefecto Urbis, ceterisque Romanis
Officialibus Coronandi dare & elargiri debuerint vel
quasi coacti sint, brevibus diei non potest. Videatur E.
hæc de re prolixè Otto Frisingensis chron. l. 7. c. 33. *Onuphrius.*
Panvinii Tract. de Comitiis Imperii. Quanta denique pe-
cuniæ Summa fuerit impensa in stipendia militum, sex
mensibus continuanda ordinariè in quatuor millia Equi-
tum & viginti millia peditum. R. Abscheid zu Wormbs.
An. 1521. §. auch haben uns ChurFürsten R. A. zu
Nürnberg. An. 1522. in fin. pr. p. 171. nemini, nisi planè
Rerum gestarum ignaro ignotum esse potest.

§. LXVIII. Verùm enim verò licet hæc Coronatio-
objam allegatas Rationes omitti posset, atque aliquando
lex variis causis & impedimentis per aliquot Novissimos
Imp. etiam omissa fuerit; ideoque rarer usus hujus Ex-
peditionis Romanæ hodienum sit, Nomen tamen retine-
tur, et si res ferè ad alium usum pro necessitate Imperii
transfertur. Unde fit, quod Sumptus, qui ad bellum Tur-
cis inferendum à Statibus Imperii conferuntur, nonnun-
quam ad quantitatem Expeditionis Romanæ, nach Ans-
schlag



schlag des Römerzugs computentur. R. A. de An. 1544. §. und damit nun. & R. A. zu Regenspurg. An. 1570. §. Dieweil aber unsern Künigreichen. scilicet ibi. auff den einfachen Römerzug. nach eines ieden gewöhnlichen Anschlag. it R. A. zu Augspurg. An. 1582. §. Wann dem H. Reich. scilicet ibi. auff den einfachen Römerzug/ nach eines ieden gebührlichen Anschlag/ zur beharrlichen Defensiv Hülffe. scilicet it R. A. de An. 1594. §. Wie wohl nun Chur Fürsten. scilicet ibi: Zu Abwendung des Türkischen Friedenbrechers einer freywilligen mitleidentlichen Hülffleistung sich entschlossen/ und auff den einfachen Römerzug/ it R. A. de An. 1598. §. So ist doch von Ihnen. R. A. de An. 1603. §. nichts destoweniger. & passim: Quandoque etiam simplices sunt sumptus. nach dem Einfachen Römerzug. ut jam dictum: quandoque verò duplicati: nonnunquam enim pro dimidio solvuntur. R. A. de An. 1542. §. und wiewohl Chur Fürsten. scilicet ibi: nemlich den halben Anschlag des Römerzugs. R. A. zu Erfurth. An. 1567. §. wann wir nun in unsere Räys. Proposition. &c. Item ad extruenda & munienda fortalitia: R. A. zu Speyr. An. 1570. §. ersllich.

§. LXIX. Hic Ergo collectandi Modus, nempe, secundum Censum Expeditionis Romanæ, (nach Anschlag des Römerzugs.) licet per aliquot Secula in instituendis Imperii Collectis ac Contributionibus à Statibus Imperii diligenter fuerit observatus; postmodum tamen & imprimis hodiè nonnulli Imperii Ordines Eum alicujus iniquitatis arguunt, forsan ob nimiam Ejus inæqualitatem, quia temporum illorum quibus institutus atque insimul observatus fuit hic modus, & nostrorum, tam discrepans est Status, tantaque diversitas, ut iis inter se invicem collatis, longè alia, quam olim bonorum facultatumve

hodiè sit Conditio. Atque hinc est, quod plurimi Statuum Ordines, Matriculæ ad Expeditionis Romanæ Censum directæ Correctionem & reductionem in omnibus fermè ac singulis Imperii Comitiis Universalibus tantoperè exceptunt.

§. LXX. Unde Alterum illum Collectandi Modum qui fit per Censura Communis Denarii (vulgò nach Anschlag des gemeinen Pfennings.) longè aptiore & magis æquorem plurimi status existimant, eò potissimum, quod secundum Ejus Collectionem Nemo ultra vires ac facultates suas gravetur, sed quisque pro rerum suarum modulo estimetur: Id quod multis etiam nobis ostendit *Vir de Republicâ nostrâ Rom. Germanicâ optimè meritus* Dn. Tobias Delhaffen von Schöllenbach. in Templo pacis. Orat. IV. & V. p. m. 158. & 200. quarum priori summam necessitatem & Utilitatem decantatae Correctionis Matricula ad d. Censum Exped. Rom. directæ abundè demonstrat, simulque media quibus facile ad hanc Correctionem perveniri posset, egregia exhibet. Posteriori verò Oratione firmiter concludit Communem Denarium, (Sepositâ hâc Matriculæ Correctione, quod tam fieri haud debet,) non solum magis æquorem, sed etiam multò opiniorem & fertiliorem altero fore.

§. LXXI. Verùm enim verò neque de hòc inter omnes ac singulos Imperii Ordines adhuc dum satis convenit, tam discrepans enim ac diversum Statuū hâc in re est studium, ut in unum redigi vix ac ne vix quidein possit; Cujus rei Exemplum nobis exhibet SPEIDELIUS in Novissimis suis Observationibus voc. *Gemeiner Pfennig*, ubi ex Actis & Protocollis Imperii diversa diversorum Imperii Ordinum Vota diligenter annotavit atque studiosè collegit, quorum aliqua saltem ex d. Observationibus,



bus, (ut potè quæ in paucorum manibus sunt) in medium proferre, nec supervacaneum neq; inutile fore existimo.

§. LXXII. Cùm enim, (inquit SPEIDELIUS) diversis temporum vicibus, An. sc. 1598. 1603. & 1641. Hæc Quæstio in publicis Comitiis proponeretur: An nimurum, indicta tum temporis Contributio secundum Censum Expeditionis Romanæ, an verò juxta Censum Communis Denarii præstanta eslet? semper contrariis votis pugnatum fuit: id quod subjecta exempla ostendunt.

§. LXXIII. Ex parte enim DOMUS AUSTRIACÆ ET SALISBURGENSIS, Earumque Adhærentium, quorum magnus erat numerus, pro Censu Communis Denarii Vota tum temporis fuere lata. I. Eò quod Communis Denarius longè sit antiquior Censu Expeditionis Romanæ, quoniā & Imperatoris Friderici tempore post occupatam Constantinopolim ac Orientalis Imperii eversionem in usu fuerit, ac Imperator Maximilianus I. An. 1495. & 1512. Eundem usurpaverit: Et licet etiam Imp. Carolus V. censu Expeditionis Romanæ nonnunquam usus fuerit, id tamen ex occasione saltem factum, quoniam Status in Recessu Imperii An. 1521. Wormatiæ habitu, Eundem concesserint ad Coronationem Romanam non verò in alium finem: Adeò, ut, licet tum temporis pro hac Coronatione impetranda non usurpatus, verùm in aliam Imperii urgenterem necessitudinem versus; tamen postea sequentibus annis Ann. 1542. Communis Denarius denuò introductus fuerit. II. Quod Communis Denarius vigore Propositionis Imperatoriae æquissimum ac justissimum collectandi sit medium, quod Aurea Æquitas conservari posset; quoniam Nemo hic ultra suas vires ac facultates, vel etiam Unus præ altero aggravetur, verùm æquabilis proportio inter unumquemque ritè observetur: Quare nullum dubium

quin



quin istiusmodi necessaria Collecta certior, promptior,
atque etiam uberior sit futura; cum hāc ratione Statuum
querelis de moderandā & minuendā Taxā nullus amplius
locus relinqueretur. III Quod Communis Denarius mul-
tas impediret controversias ac difficultates, quæ aliàs in
Censu Expeditionis Romanæ exoriri solent; nimirum:
Quoad Subditorum sub Collectionem; & Status Ex-
mendos ac Exemptos. Vel inter ipsos etiam Status, dum
aliqui Collectam personis, alii verò rebus imponendam
esse censem; aut denique inter Status Ecclesiasticos &
Seculares, quorum Illi nonnunquam ob bona diversis in
locis sita, ab utroque Magistratu aestimantur; quod ta-
men iniquum est.

§.LXXIV. Ex parte verò BAVARI Ejusque Adhærenti-
um pro Censu Expeditionis Romanæ hæc proferebantur
argumenta. I. Censum Expeditionis Romanæ ab *An. 1544.*
per sequentia etiam tempora semper à Statibus fuisse u-
surpatum; Communem verò Denarium per longum
temporis spacium planè non observatum, aut si vel maxi-
mè observatus fuerit. *An. scil. 1495. 1512. 1531. 1542. & 1544.*
Eundem tamen optato effectu semper fuisse destitutum,
pecuniamve ad propositum finem non collocatam, certo
certius esse. II. Subditis grave fore, si præter Ordinarium
Canonem, etiam Communem Denarium persolvere te-
nerentur; Et Censum Expeditionis Romanæ æquè profi-
cuum fore ac communem Denarium. III. Principes ac
Status Imperii haud concessuros esse, quod sua suorum-
que bona ac facultates ita taxentur & publicentur, ut in
Censu Communis Denarii fieri afolet; *Grave namque*
esse vilitatem detegi paupertatis, & divitias exponere in-
vidie: Certa quoque inter nonnullos Principes & Eo-
rum subditos dari *Compactata*, ideoque Communem
Dena-



Devarium absque confusione & discordiis usurpari haud posse; denique Statibus permisum semper esse in Reces-
sibus Imperii Sub-Collectationem subditorum in istius-
modi auxiliis publicis instituere; & Principes alias satis
sollicitos esse, quo Se ex bonis Cameralibus aptè susten-
tare queant, cum certè quotidiana expensa in dies cre-
scant, reditus verò Camerales magis magisque decre-
scant: Quare jam plures ante annos in Imperio nostro
hunc Collectandi modum, nempe secundum Commu-
nem Denarium, fuisse sepositum, è contra verò Matricu-
lam Imperii ad Censum Expeditionis Romanæ directam
non solum ad Coronationem Romanam verū etiam ad
quavis alia toti Imperio Romano-Germanico imminen-
tia pericula & mala vel avertenda vel minuenda, usurpa-
tam fuisse, testari Imperii Protocolla V. SPEIDELIUS. d. ob-
servat. Confer. AUCTOR. des Discurs von dem ietzigen
Reichs Tag, circa finem.

§. LXXV. Has igitur & similes egregias gravesque
pro hoc & illo Collectandi Modo in publicis Comitiis à
diversis Statuū Ordinibus in medium allatas rationes in
suo equidē valore relinquimus nec unā p̄ alterā arripimus,
verū utrasq; pro virili in utramq; partem in Cathe-
drā defendendas suscipimus; quoniam alias etiam hi duo
Collectandi Modi, nempe secundū Censum Expeditio-
nis Romanæ (nach Anschlag des Römerzugs/ & juxta
Censum Communis Denarii, nach Anschlag des gemeine
Pfennings in Imperio nostro Rom. Germanico, licet di-
versis temporum vicibus, consensu Statuum & subsecuto
usu, utrique recepti & comprobati sunt; indeque etiam
pari necessitatis, utilitatis, & honestatis precio, si privatis
affectibus incorrupti fuerint subalternis usibus, pro tem-
porum & Reipublica Statu estimandi veniunt. Quare hic
gradum fistimus, & studia nostra Benivolo Lectori porrò
commendamus.

G

Quim



Q uam tam propitiam Themidem Charites-
que faventes
VILLINGERE, colis, Te super astra vehent:
Sic tibi propitias Themidem, Charitesque, Ca-
menasque
Opto porro, nihil carmina majus habent.


Benivolentie causa adscripta
STRAUCHIUS, Præses.

Celuy qui d'un bon Coeur de la vertu s'ap-
proche
Pour mille obstacles n'a Ses desseins detournés
Ses pas me ne sont d'aucuns objects bornés
Mais touiours il aspire a sa solide roche
Par ta dispure on Voit combien elle t'est
proche
& combien tu cheris Ses fentiers fortunes
C'est cete Reyne aussi qui les Esprits bien nès
Exempte pour iamais de blâme et de reproche
Tu montre bien icy que la louable ardeur
qui t'anime n'est point éteinte en la grandeur
du penible traueil qui conduit a la gloire
aussi l'heureus Scauvoir de ton docte traitte
Merite que bientost l'équitable bonte
De nos Muses te place au temple de memoire

*Hunc paxis clarissimo Domino Autori amico
suo nulli secundo properante calamo sed sin-
cero affectu gratulari voluit*
**Ludouicus Gauuain, Serenissimi Ducis
BERNHARDI Saxo Jenensis Secretarius.**

§ (o) §







Jena, Diss., 1671 Si-2



Vd 17







1671,44 XII 27

O. D. B. V.
**DISSERTATIO JURIDICA,
 DE
 HOSTENDITIIS,**

*QUAM
 Consensu Incluti JCtorum Ordinis
 In Celeberrimâ ad Salam Academia.*

P R A E S I D E

*DN. JOHANNE STRAUCHIO,
 Magni Nominis JCto. Serenissimorum
 Saxoniae Ducum, nec non Celsissimi Principis DN. FER-
 DINANDI ALBERTI, DUCIS BRUNSLICENSES ET LÜNEBURGENSIS. &c. Con-
 filiario Eminentissimo, Codicis. Novellarum, itemque Jûris Publici
 & Feudalis P.P. famigeratissimo, Facultatis Juridicæ Seniore Veneran-
 do, Ejusque ut & supremi Ducum Saxonia Judicii & Scabinatus
 Assessore gravissimo, ac p.t. DECANO splendidissimo.*

*DN. DOCTORE & PATRONO SUO
 singulariter devenerando & suspicioendo.*

Ad diem Maji. A. cl. lsc. LXXI.

*Publicæ Eruditorum Disquisitioni submittendo defensum ibit
 JOHANNES REGULUS VILLINGERUS,
 ULMENSIS. AUCTOR.*

JENAE, CHARACTERE WERTHERIANO.

